

漸西邨人初集
附錄

三





漸西邨人初集
附錄

三

袁昶著



中華書局



漸西村人初集

詩十

調樊雲門 辛巳

今之樊紹述。栖息古精廬。絳守池未闢。元經論已儲。松根一片席。佛火半床書。出則誰門去。泥溝太祝居。

簡拙初五六七言斷句

又

儻耳居無儻石。枝官日出枝言。海山歸棹何處。虛室微明自溫。

又

欲致熊經卻老術。誰爲長者折枝來。孟子折枝。趙彊彌以爲案摩之術。折手節。解疲枝也。猶應洗眼鈔經字。石室先儲作論材。

幽栖

居如湖谷韓公興。吾亦幽栖聊自娛。雨漬竹梢蛾作蠶。風颺花乳鵲銜雛。壓簷樹訝藏山大。西鄰人家有廢園。喬木甚多。家人浮休其下。夏得美蔭焉。蹋葉人來面壁枯。門外坐忘何歲月。海濤還作陸田無。

送許竹簣侍講奉使日本

澤國去龍節，蒼茫一語無。開夸誰繫空，詘道有乘桴。海市舟鮫弱，幡船望氣羆。資君宋賦筆，眞挂扶桑弧。主父製胡服，海陵軍細茸。如何新法改，不籠彼民從。一日燔秦竹，千金徙市樅。猶餘逸書在，倘許百篇逢。
次陽公詩，徐福行時書未焚，尙書百篇尙存。

一卷吾妻鏡，六千君子船。應開端委教，長使海波填。熊野徐生廟，燕臺郭隗賢。車書終不隔，斥鹵變桑田。欲佩吳鉤去，徘徊颯博閒。

主恩忘況瘁，齊物解愁顏。
君新有殤子之痛。歸篋虞衡志，巢痕著作班。他時六月息，激上鬪青山。

答松岑

世路嶮崎不可攀，幽人不鄙叩松關。無車畏出清齋臥，夢繞君家樹石閒。偶作盆池，欣然會心，成絕句二十首。

嚴陵綠沙渚，去此幾千里。一勺頗黎江，縮地尺有咫。呼兒渠細石，課僕修水筒。裁有濠上觀，超然意不同。傍迓青竹竿，泓崢栽十輩。參差倒來深，淨與晚色對。林鳥下銜魚，朝飢學浮漚。子亦午未炊，負郭思南州。菌抽欄五六，笋迸地三四。臨流試草書，解衣旁薄爾。爲問門前客，喝塵鞭怒車。且於此中息，得孰與客多。

誰家合抱樹，疏翠入吾廬。花落中庭靜，閉簾還讀書。
此即太古天，風來動林影。稍見幽陽升，一庭空藻荇。
曠蕩何渺綿，瀧中幾日春。鳥嘯思倦客，花發待歸人。
山田秧一畦，魚蕩舟千斛。著個酒人游，乘流恣沿復。
草細柳茸長，雅栖牛背閒。山家事歷歷，盡日夢鄉關。
石瘦燥更潤，樹枯冬復春。且參清淨退，何事喪吾真。
遠近理還齊，那擇南將北。求田徒寓言，卜居何處蝕。
喜得天光大，書來雲物粗。浮陰過澹澗，濁泉索元珠。
谷有愚公愚，人無於水監。裁過三月三，浮杯何灑灑。
西海鹿倚蕉，東溟螳逐蟬。忘懷冥得失，觀物蓬蓬然。
城北華屋多，城南風物美。何憎雅著鼠，且抱辛抗紫。
石竅細泉鳴，輕煙吹柳絲。偶然來好客，喚題石淙詩。
無酒衣可準，晚食體自輕。醉則竹根臥，冷冷無世情。
漸江無限碧，灤水自然渾。輦水乏修綆，看山如在門。

寄亮生

時監直
沽稅

水心亦有傍徨句。題寄龍川抱剝亭。療飢乞取竹木務。夜分危坐存黃庭。

恭擬上大行慈安皇太后挽歌詞四首

淵肅思齋意。艱劬訪落基。三階符乍輩。一鑑照俄虧。武帳虛前殿。璇機掩左規。委裘頻定策。中葉肯忘危。
幹運扶皇極。行逢歲兩周。象胥消浸沴。蠶館斥巡游。方睹重光藏。適銘太室幽。東朝厭萬國。不使戴徽柔。
廟算收賢輔。金行引靖共。謂湘陰楓相法除城日密。恩斬外家封。配地儀文備。含章冊禮崇。應知風馭速。攀慕定陵松。

末命傳仍几。因山擇節宜。仁逾宋元祐。儉轍漢和熹。書聲號宮衛。遺籙觸聖悲。猶餘起居注。宮史永垂儀。

哭馮大

適去適來真逆旅。望衡街憶憶同聽。遺箋已轅關陵賦。灑淚應爲李觀銘。花發園中誰作主。珠明曙後尙遺星。尊前檢點經過少。何處幽栖菊製稭。

憶洲上

洲上梅花稀。山中茯苓長。新篁復應關。說文。篁。竹田也。荷鍾時獨往。日落枉渚陰。樵歌出林響。胡爲久滯淫。虛此屢幾兩。

隣寺

奇情不在山。好景不在水。此寺獨於塵壒中。辦作蕭然出塵理。夢迴月澹樹陰移。微鐘忽度青松枝。蒼茫

危坐不肯曙。兔角焦芽何所思。

送韋伯嘯出守河間

閉息萬人海。縮項如枯鱗。不如舍之去。超若勇蛻蟬。況君專城寄。吏事資礪研。譬如久居陸。亦復思操船。倘懷厲濟意。請調燥溼弦。勿云舞袖狹。未足供迴旋。韋子灑落士。疏直謝時妍。史局淹著作。輩流脫拘攣。一辭巢痕逝。迴首空雲煙。試穿神禹渠。更洗名王輒。巡春慰父老。禱雨醺農田。縱難盡諧俗。暫挾藩籬穿。甘澤囑旱國。微風吹別筵。而我陸沈者。雁鷺登腥膻。送子還杜門。終朝觀三淵。

五月十四夜讀坡公咏李臺卿詩有云垂頭老鸛雀煙雨霾九竅敝衣偶過我危坐若持釣予友凌

塵遺形容酷似之意者凌前身乃臺卿邪思之不禁失笑凌時在維揚作詩寄之

逸士例清寒。鬱律蟠靈府。擇友不尙同。岐和吾並取。凌生不偶世。蓬蒿翳芳杜。壁藏史籀書。手畫商高矩。終日面市居。心與木石伍。十丈黃塵中。相對意自撫。積雪顛危厓。微茫導泉語。時見澗底松。蒼枯氣象古。雖非梁棟姿。要亦鎮浮窳。煙直媚病鸛。百態不一齟。倘欲治幽憂。或者作詩苦。眎息與衆同。乃父老堯禹。先生不違俗。世竟與君牴。濛濛竹西闌。悄悄類村隄。形狀抑末耳。坡語發掌拊。夜窗風雨寒。別意清夢補。古人渺難接。但各私所親。吾行把釣竿。要君珊瑚樹。

楊心物自日本寄子摺扇上作草隸絕佳卻寄

眇然今復見楊風。換骨金丹方兩瞳。一去蓬萊清淺水。忽然懷袖落驚鴻。

寄題桑根丈新作小西湖茅亭

一勺湖光萬景收。天然卜築小林邱。高荷似蓋藏泉眼。臥柳支門枕石頭。老作蘭陵荀祭酒。閒吟竹閣白杭州。到門雞犬應都識。何況山中猿鶴俦。竹杖芒屨導我真。屋山俯映碧鱗鱗。卻忘杭穎誰雄長。坐約宗雷作主人。載酒船敲瑤簫冷。懸車雨洗翠微塵。幾時水宿雲飛去。一逐神仙醉墊巾。

書慈仁寺壁

風中竹笑折要吏。壁上螭隨行腳僧。去固無心住亦好。俗猶未免道何能。鉤輶雨喚如村隲。甕沸茶圓倚瘦藤。一出山門塵隱隱。誰辭赤阪蹋增冰。

予規爲松岑布真園中石。作嶺外劍鋌山形。而空其中。吞土實之。課僮雜種花藥竹樹。使仍有紆餘平遠之觀。君答云。主者近卜賣此屋。是將不爲吾有。子猶以爲牛奇章物邪。則相與拍手大笑。姑作詩記其語。使如國初吳慶百徵君畫圖梧園記故事。以待後有好事。而居此屋者。貽之可乎。

石吾甚愛之。一族呀且仆。牆排晉三公。僂觸失真趣。不如改真之。人工奪天作。側落烏翻翔。橫撐虎鬚怒。疊聚成一峯。踞蹠無緩步。一朝散之百洞壑。攢陰霧。修鬢切雲冠。長劍玉鼻具。洗我瀨上胸。寫君夢中路。環山笠笠尖。中有求田慕窪之作陀陀。爲尊爲白寓平地。江湖觀奇春花藥布。君獨不謂然。營第乃喪免。何時刻舟求。虛期巧匠赴。幽人一飽難。暫遣糟牀注。天豈私我貧。居何擇美惡。無山強買山。將貽得隴懼。

亡羊乃等耳。一叱金華誤。肺肝空槎枒。眼界齊籬汙。夢得石芝餐。覺乃無所遇。佳觀天亦慳。墮甌君莫顧。聞言悵然失。得喪一笑悟。研山幾流落。良嶽戰枯雨。不如盡屏去。六鑿付蛇蚺。別有洞天游。卜鄰吾欲住。贈鄭襄

不見古人思若抽。一見故人銷百憂。未知與古孰高下。繡井差足追前修。忤時坐失萬家縣。甌臾不止譏言流。短衣匹馬忽棄去。草檄論兵渝水頭。無人可贈繞朝策。作賦空登王粲樓。虎豹九關天不聞。路窮還戀聖明君。獻書再入金門道。寄興猶工玉筍文。吳絲蜀桐無怒響。相見無言轉蕭爽。脫離世網神獨希。一髮青山弄魚榜。但道無田歸去來。倦游樽散鬢毛摧。我亦龍鍾後時者。且與一尊醉藉城南苔。

松岑諍予云。習靜有靜障。猶好動有動障。均之障也。因而思先輩云。事障馳利名。理障窟文字。亦均之障也。夫障卽空根垢。含淨理。眇一刹那念之著離。爲凡聖仁者。何爲強生分別。方當以障掃障。然後如水洗水。同歸一淨耳。予適小極。而君招之不出。故見嘲云然。書此戲答。用送韋均。

齋居薄苔味。不辨鱗與鰕。

爾雅說。鮓。江東人呼爲鱖。漢書云。鮓。水物也。云靜。石中亦無聲。如。

枯坐竹窗下。忽驚螳捕蟬。策靜乃得動。物理不遑研。誰

鳴水中石。而牽岸上船。

章左司詩云。何兩相激。雷轉空山驚。可謂妙于觀物。

虛深山水趣。競說松風弦。疇識不鼓妙。何

用宮相旋。當其世慮進。蠶紫眩衆妍。及夫蠹文字。仍枯大機緣。霖雨尋皎日。孤光翳浮煙。橫生諸障縛。如

絲縈紡塹。不如付兩忘。早蓮生石田。自有窠人珠。詎待巧蟻穿。我臥團茅室。未赴燒笋筵。徒捧柳腹痞。不

朝舜行羶。行治糝玉羹。叩君藏珠淵。

題蕭寺尋春圖

春去已多時。尋之了無迹。偶敲花樹下。餘春猶脈脈。何必城西寺。蒼苔破行屐。屋山鳥吟煙。池光魚噉夕。

魚鳥亦有情。我心枯竹石。

始我游京華。彈指十四春。古佛面不皺。夢痕踢春人。望衡得劉子。謝石微言出清新。眎我招提相。野風吹碧鱗。朱門與蓬戶。閒者得佳晨。春自無去住。慎勿喪吾真。

夏日

夏日忽已長。園穎發新榮。急雨吹萍破。空林數筍生。六尺含風簾。千年折足鐺。倚檐一舒歎。應知遠壑盈。

李尊老家藤花盛開

窮官半畝宮。例占藤陰翠。瓏瓏靖安坊。韓文公有偶坐藤樹下詩。公第在長安靖安里。簇簇海波寺。朱竹垞古藤寺屋。在海波寺街。天憐稽古劬。何

以償蕉萃。空中雨環珞。纈眼相熨媚。何用萬年筇。餐霞赤城戲。竹垞有以天台萬年寺。藤杖。贈元晦庵詩。春華夏得蔭。几簾供位

寘。不知誰手遺。蟠鬱欣得地。定有澹蕩人。惜哉漫平鑲字。離樓松枝撐。四角蒼官植。天然青油幔。倒胃綠

毛使。雨餘風日美。落英亦可餌。崖蜂抱香去。蜜熟病兩翅。佳人怨寂寞。紅迸唾壺淚。招君薤葉書。步虛辭

玉筍。盎然釀古春。會合判一醉。竹爐兼茗椀。解作一生事。倦枕含風漪。飢餐虹景祕。前韓後朱十。狂悲謝

軒軒。今花發古妍。依倚淇冥吏。紛紛幾開落。朱顏駐童穉。會當理輕策。招隱叩石簣。付與好事人。編排入

坊志。

喜鼎父至

萬士中有君。羣瘖廢爪觜。森然芒角斂。流俗不敢眎。得君一語雋。爲十日憂喜。翩然或開予。發藥起茅靡。以君衣上雨。洒我竹間堂。滌除夏蟲熱。併入秋氣涼。靜中萬籟息。共此一鐙光。衆响漂熊耳。水伯絃谷王。雷同相訾譽。誠不如兩忘。我願生兩翅。冷風逐翱翔。朝游廣莫野。夕醉亡何鄉。何如東臯子。結鄰歸仲長。起躡朱公屐。林臥長相望。

醉後觀道旁鬪者

時無螺螄螟蛉。鑿然左角蠻爭。莫逞李陽手毒。徒聞宋意肝青。

寓廬遣興

滿院種修竹。笋抽時出闌。錯疑嚴瀨宅。江檻落風湍。北墉有高槐。夏花秋尙纈。朝來急雨晴。片片落黃雪。秋水如蘇滑。盆池似寒潭。此卽蒼山路。何方著茅庵。閉門無可悅。出門更多歧。不如坐看壁。米汁一中之。雲度小窗明。雨添山果重。城居似村落。蛛網罨疏叢。俗言蛙給廩。至言鶴在林。慎勿多言辱。林居落葉深。小兒有奇氣。解作熊鳥勢。攜汝歸碧山。披雲臥松桂。

李子愛茅屋破。潘翁^初餽有塵。一笑淋雨後。天甯私我貧。

遠客餉異書。令人發奇趣。更煩致來禽。亮勿怪多取。
去住非吾好。沈冥亦自佳。不須問季主。新雨步天街。

鄧侍御齋中觀日本刀

胸中不作三刀夢。聊快神鋒鑿室觀。地肺陸剗蒼兕吼。天池水淬碧鸛寒。東溟鴻阻真如粟。上將飛騰會
築境。喜汝相從君子佩。夜深光並斗闌干。

過松岑寓園歸。以揀芽一器餉之。乞取篆刻二盆。覓花栽。

同自巖幽落城市。囚拘漸習馬曹閒。時來把臂穿林徑。使有清風動屋山。世議坐忘堯桀譽。秋光先照綺
園顏。澆君典禮胸中有一片雲。腴破睡慳。
最愛君家老瓦盆。蛟龍屈強蘚剜痕。何當乞真三閒屋。徑欲移栽二寸根。吾亦旅人非土著。倦侵寒節強
開樽。祇愁世士談椎搨。受損蟲穿那可論。

君子陽陽二首

君子陽陽。仰畫員。俯畫方。藕絲鍼孔。人海昂藏。云何而臞。義府翔伴。鈔書掣脫。剡藤泣。瑀鏤肝腎時一償。
客來妙語解頤頰。應閒錯落含風霜。萍齋左顧常咄辦。後堂蠻素調羹湯。雨荒屋圯樹根出。先生兀坐穿
藜床。長安弈碁者誰子。丹穀安能潤黃腸。何如季漢三賢贊。終日隱几李臺郎。

此章調李尊老。李體素風尚。百日數旬。率帶移孔。故戲語。

三

君子陽陽。左操筆。右操籌。非關九干栢侯。數天山之斥埃。案丁零之羊牛。

曹署司路爾略。及新疆軍需文牘。丁零盜。蘇武牛羊。可并案也。

孔文舉語。

云何而肥。耽道忘憂。不山林而儕木石。無江海而狎鳧鴈。移花占明日之雨。種竹韻今年之秋。亦

權稍縈。道從而窅矣。忽藏芥殼。世喪而焉求。補剗息黥。潤自根而流葉。甘帶耆鼠。咸棄能而倘修。侍側之豪。并亡夫蝶。贏久眎之術。豈叩諸蜉蝣。或閉關而牛飲。或命駕而儻游。亦何異于東方之割肉。與榮叟之披裘邪。

效遣山集作休道不蒙稽古力三首

岸蓼溪花瀨上思。清秋羈宦不勝悲。迴看十九年前劫。枯木寒泉霜裂肌。休道不蒙稽古力。待看餘蔭長孫枝。

孤兒無恃復無依。眼見龍蛇起陸時。骨肉痛心棋以內。田園蕪盡幾時歸。休道不蒙稽古力。鑿檻萬卷是根基。

四海子由何可期。韓門愈岌且肩隨。與吾異趣難醫俗。久客見懷殊可思。休道不蒙稽古力。待攜弟妹翳茅茨。

秋日思江上村居

返照穿林青黯黯。野風吹水碧粼粼。鵝灣師谷知何許。桐廬地名。瀨叟桐君孰主人。醉裏暫忘爲泊宅。定中始

悟是勞薪。童年舊事將誰說。強對熊兒雜笑賦。

園荒屋老無人過。枉費東泉問訊頻。昔薄求田成底事。就令慧業亦刳神。危炊挖汲廚僮瘦。鉏色林和戒

律新。予舊刻一小印。文云。剏皮鉏色長焚和。故云。辦作竹田薑稜計。未能斥賣汗枯筠。

登場紅稻雞正肥。酒熟蟹黃村事稀。近報松秧霜墜甲。卻思竹轎風生衣。牆東圃叟今應健。灤上聾郎晚更饑。縱不歸耕掘黃獨。也須囊致起風靡。

鑷白髮拈筆戲述

心如寒井無禽迹。髮似枯松失塵材。那有歌姬工乞食。應親雄劍試然灰。頓邱無悔徒云爾。伯業能勤且
勸哉。不見庭槐衣落盡。虬姿雪幹轉崔嵬。予年二十三以前。殆不詳人耶。孤露零丁。一不祥。善飲撒撒。不知敏約。二不祥。不立定腳根。汎然徇世。好與浮華之士爲伍。三不祥。蓋始知爲學途徑入門之要云。

次韻王無功野望

南窪一徙倚。藥牧且因依。井竈成村落。林廬窳夕暉。山禽銜果去。胡馬識羣歸。勞事無歌者。何時聞采薇。
八月十四夜。鄰人徵謳者。其聲哀曼動人。憶往者同治辛未。與同年生錢蔚也。計偕行山東道中。道
旁里歌。其聲相似。今蔚也下世。踰八九年矣。惻然有作。

那有清歌響遏雲。漫思往事一酸辛。無端今夜胡弦索。迸入山陽笛裏聞。
過江老子持三論。病榻維摩無一言。始信聲無哀樂旨。習其風櫪又聞喧。

夜起

欲知兀兀騰騰趣。只在蕭蕭黯黯間。寒角鳴陴雞唱卯。夢迴一枕富春山。

甚欲

甚欲捐書絕學。剗平赤地安營。別起穹巖窺壑。判教資遣殘生。

又

甚欲瘖聾過日。探囊又惜刀圭。付與天台寒拾。蘇厓店壁留題。

贈劉雲蓀

錫鴻

燕昭海上求方藥。那識仙人隱市中。射虎夜歸遭尉怒。屠龍朝學坐訾空。才如燭武甯當棄。薄責陳湯更效忠。一笑相逢判日飲。可能藉菊醉離東。

大徐篆榜詩

有序

始予欲廣輯嚴州圖經多年。覓舊圖經。及景定續志。不可得。以乾隆志內。缺金石一門。頗爲瀨鄉山水祠家減色之憾。欲先輯此門。予去鄉久。兀兀人事。遲之不遂。昨偶披輿地碑記。則所載徐鼎臣篆榜桐廬縣三大字。應爲石刻中最佳者。而君山厓峭壁下。有大歷題名篆數十字。代先于鉉。然六書之學。殆勿如耳。字半爲江水漫蝕。欲縛架洗治。敏甌椎。則工索百金。猝不可辦。咸豐丁巳。伯父明經。嘗梯登手拓數紙。以示羣從。予丁丑秋繼之。詠題名蓋有數處。然仰攀鵲巢。俯忱深淵。不能徧追眎。

也。坐是知前人湛冥好奇，而又勇決心力，固十倍今人。此其所以有成也。豈獨石刻細事然與？桐中多古伽藍窰堵，亂後輒石或有幸存者。至于臥鐘鑿鼎，刀布劍鏡雜器之屬，則蕩然無遺矣。惜哉！題名以東西釣臺及桐君厓，閬仙洞爲最多。方志不之及。大徐篆尤可惜也。姑作詩記縣榜事，它從闕焉。

桐江山色天下無。山圍明鏡如畫圖。何年佳吏似仙尉，走幣輦金求勝書。江南臣好有二徐，邕冰而後鰐蟲魚。賁軍大夫爲宋得，錢氏亦籍吾州俱。此題應在雍熙後，校定篆籀方揭櫟。崇文館開騎省暇，潑墨一斗澆松腴。想其磅礴羸衣筆，不下山鬼夜泣蒼藤枯。俗書壓倒樅陽門，日笑龍爪王家臃。懸之山國媚泉霧，虎拏鳳攫冰夷趨。雖非鐵石陷厓壁，定勝草隸誇磐紆。坐令四方觀者不脛輶，臥甕響榻無停趺。苔矧蘇剝光燭夜，紫氣鬱鬱軒黃姑。吾邑分野，在奉牛若千度。溪山蒼然陵谷變，解屋幾朽神明扶。雄強縝密不可見，洞府蘇合難鉤摹。蛟蛇蟄閉石亦泐，山木慘淡雲相踰。況我客游違舊都，還丹空熟桐君爐。碑厓大厓題字泐，冥搜曾倒鴟夷壺。何時重起此手筆，煥然舊物觀還初。偏旁屈強破新垆，體勢詰曲列山廚。嗟哉鄧石如，錢坫近古骨亦朽。獨令縉雲廟刻照耀蒼山隅，人事錯迕令長吁。

獨坐

獨坐東窗下，流絳露翳花。稻孫銜埤鵲，槐子落飢雅。世法誰辭縛，吾生不可計。婆娑枯樹下，隱几誦南華。

示謝中舍

望衡對雷懼情接。三見秋深石髮斑。寒汲軍持同井脈。醉敲蓬累各孱顏。荆公以蓬累爲笠名。塵門面皺呼長鬣。翦燭妝紅倚小蠻。試攝賃廬入圖畫。放教雞犬出人閒。予方園君寫宅圖。

寄題晦村田居

門對寒山石竇淙。南窗晴見香鑪峯。山茨采藥人三兩。源口花時許一逢。

存沒口號

汐社遺民後。論交見性真。勝秧鋪地繡。階瀑弄天紳。桑下非無士。廬中知有人。心知田舍樂。不復動微塵。佛說微塵。喻煩惱也。方古香丈。

懸解辭世桔。忘言入道機。曝然放杖笑。秋草旅墳稀。坐惜鷄缸化。何知雁守肥。曹溪貽一卷。使我洞幽微。謝夢漁給諫。

潘孺初餽椰子盤率謝

不犧尊亦不窪尊。文質之間道或存。狀識炎方佳木異。情親茗舊德公溫。形模每博癡兒喜。漿酒翻令儉歲敦。更說坡仙冠製古。不辭撰屨海南村。東坡先生在儋州謫籍。有椰子冠詩。

冬日偶題

窗外叢竹入冬不枯。元雲淡沲。寒鷗驚呼。殺青生白。屢空安如。優哉游哉。玩物我娛。

再懷晦村

蒼苔時有芒屨迹。溪水如聞拄杖聲。百口於今誰語此。夜寒羈榻夢難成。

招松岑明日游花市斜街

唐人除謫如弈棋。朝來解龜暮牽絲。今時曹掾局過冷。磊塊不食如枯龜。況我與君後時者。不登弈譜尤駢枝。雁行抱牘吏睨署。鼠壤棄蔬蛆責辭。先生兀坐屋穿漏。出則邀子相諧耍。耕桑近郊計良得。蹲鴟求田亦非宜。廣陽傲寒殘白菊。妖歌慢舞肯一卮。霜風謾謾稿未落。香不中餽餐泄脾。豈知根膾雜牡蔽。那有實好齊瓊蕤。貴人金多尙輦取。酈泉更笑陶翁嗤。君今準衣稀得酒。叢叢深色傾無營。城西井甘吳天寺。竹垞卜築槐街詩。朱錫鬯先生移居槐樹斜街詩。有一事新來差勝舊。昊天寺近井泉甘之句。近壽陽祁公。亦卜廬于此。榜其齋曰。草堂小秀野。花市卜斜街。想見前輩風致。頗爲坊巷增故實也。花時爛漫不一顧。雪落泥浼長年悲。房深窖暖陽屋闌。唐烘馬勃牛溲治。從來糞壤出芝菌。況乃南方草木羅紛披。不論銜子遲黃鵠。且欲敲醉白接羅。平明荷鋤待老阮。醉則投劾請監祠。

上義庭兄

白茆岡上登高處。獨秀峯頭喚渡時。樹大號風傷遼矣。牀敷聽雨尙淒而。君從釋菜諸生後。我悔勞薪薄宦遲。門巷已荒三徑在。莫辭老圃共鉏治。

寄義庭先生

時居茅坪。即白雲源也。

源頭雲逐方干去。源裏樵歸更卜隣。一白春鉏將傲客。千紅踣躅待歸人。劇蘇輸君辦一邱。無田試與相春謀。嗟予欲世倉兼庾。翻誤餅空雀晚愁。

睦親巷鑲一方苔。且乞君山椹木栽。隣叟已非雞犬換。欲營新宅亦何哉。
蓋頭茅瓦對開門。蔬甲田毛後圃存。少日眞成一鳥過。祇愁難索笑言溫。
莫辭細字寫殘燈。二石家書近所稱。兄每云。近世錢衍石給練。暨石校官之篤行闡然。雖索居二千里。而遺書論學。往復不厭。當于古人中求之。留著殘編爲世守。
勝于世網觸崩墮。

城居

城居卻似村居好。晚食徵魚曙報雅。兒學語。鸞鳩穀穀。女描字。大蚓斜斜。夜寒聲。柝何勞數。色角切。俗儉存
糧有幾家。放著跛驢行不得。渾難鞭筴挽三車。

地藏庵二絕。古德相傳。輕迦成道。已乃爲母說法。不可得。更命弟子地藏女爲說。卽得正果。語見地藏經。自
蛆蟲僧。乃以店時泥羅世子金地藏。在九華山坐禪者。當之。譯甚矣。子龜嘗欲嚴正。彼氏祀典。曾詳

老言善地神俱谷。軒著歸藏易有林。別有起予行坐力。何勞天女證禪心。
應眞傾倒非非想。豈上流傳杜十姨。等是丹霞木居士。不妨一笑付茶毗。

蓼床

蓼床窄窄幔穿穿。寂坐慵眠意自便。饕餮餘湯試具。神龜支處息仍綿。倦尋黃嬭書空挾。材敵蒼官用
偶捐。贏得據梧心自化。不憂布被諠菑川。

寄西山隱者

道人栖處不嫌寒。雪掩虛明舊館壇。屋上茅龍支爨鼎。池邊竹鯉竊餘丹。不求遠俗樵爭席。時復忘吾沐未冠。欲往從之在何許。凍泉細路石漫漫。

送蕭侍御出守嶺南用昌黎送鄭廣州韻

巢暖辭金瓊。書新撰玉杯。應冠惠文去。故遣祖筵開。市諫奇蚶貢。嵐迎羽蝶來。要章衡嶽宿。料舶拂筵迴。拂筵見新唐書。疑卽佛蘭西之本音。蓋拂別爲佛。筵轉爲蘭。末四字。則其收聲耳。拭劍傾燕國。還珠潤越臺。牧臣方執憲。遲爾濟時才。蕭衡州人。過家上冢。故云。

洪中舍獨釣圖

鄧縣青山孰主賓。珊瑚樹長待歸人。幾時巾角羊裘去。一洗幽燕市上塵。卻笑當年韓與侯。投竿溫洛亦何求。清寒只許樵青伴。買得江南不繫舟。

送座主南皮公巡撫山西

力牧潛求豈偶然。晉祠流水遲鳴絃。漸知朝右尊儒術。翻爲河東屈大賢。荒白應除典農尉。汗青待次貴和篇。兒童騎竹從相逐。畏壘來茲大有年。自立經帷踰十霜。恥因聲稅增清光。簾今藉識經師緒。續古教尋學海糧。好問異時陪淦水。鍾元何日謁高陽。何嫌峻阪疲登頓。攪轡方知御者良。

贈李蓴老

笠簷生事查初白。草薦餘溫毛稭黃。隴李風流故相似。卜居何日割湖塘。君嘗作七居。有卜築湖塘終焉之志。其文甚諷麗。

答

李慈銘

漸水東西兩釣徒。誰令索米逐侏儒。何時仍著漁簑去。九里梅花十里湖。十里湖塘。吾鄉語也。

聞高陶堂令君亡

嗟子匡廬彦。翮內制才。如何艱一第。莫使穰千災。吳市逢君舊。顏坏爲我開。傾衿幾日雅。典論有餘哀。
兼惜莊錫近。中白。彥清。與君知厚。連年物故。同歸松菴摧。塌然南郭槁。心緒坐成灰。

潘叟孺初將歸海南。叟於朝士中。可謂不肯錄錄。自安抱關者矣。於其去國也。殆猶深媿。不能忘情。而系以詩。

太山非一條。渤海非一翼。亭亭竹孤生。去去禽不息。雖無橘實好。亦睇貢上國。雖乏頻伽音。腥羶良恥食。時艱袞無闕。衆嫖競容色。那辨厝薪然。甯知日御忒。禽辭海宗去。寥廓翔安極。竹傍土梗居。沈冥誰更識。難爲贈處言。聲銷爪嘴戢。尙欲防禍羅。全生養孤直。雁何激而鳴。木以材而賊。各勵修身志。毋爲負年力。誓居木雁閒。庶報山海德。

儒宮雖無地。求田計非愆。索米苟餘貲。卜鄰覓耆龐。叟耕嶠南島。予營漸西瀧。未辦蘊稜去聲。百且賃竹田。雙課兒種樹法。招友谷音楚。細君紡車暇。治饅笑語哢。肥炙勝龍鮮。陶尊敵雞缸。唐人侈南食。任公釣初降。螭山雜珎柱。瑣細詫鄉邦。藏酒琥珀窟。流涎玻璃江。室有椎髻賢。座多疏眉龐。一鱸天下饜。一醉民風噫。此豈逃世哉。力猶洪鐘撞。吹豳縛豆架。箋易拓松窗。予家漸西美。爲翁述其鹽。登山欹竹輜。泛水刺蘭

觥炊秬美饌。玉然相賤明釭。風篁韻碧澗。霜葉履紅缸。他日翁來游。延登石床涼。考古越紐秘。徵謳會吟腔。一飽尙未必。幽懷且芳汪。試歌侑翁醉。破悶資鞮控。

入杪冬十六日立春

茅君學長生。臘月裁過半。澗壑冰崢嶸。丹鑪然獸炭。神仙乃畏寒。服藥仍不汗。謾乞西王母。一迴青鳥粲。宮觀幻清虛。日餌寒石散。土牛強送冬。磔狗俄驚旦。百昌不安塾。佳桐付庸糶。朽壤被絳繒。枯槎張錦幔。自言回化工。土木藻繡爛。譬如殷七七。頃刻起萎幹。那知陽氣微。冬行春令換。荔挺不生畦。蘭根不茁岸。猶妬遨頭春。能歸鳳髓判。田枯霰雪少。輟耒老農歎。陵陂麥短短。空遣臘鼓喚。殿前羣公暇。晝食常衍衍。韓子獨不噉。謂陽氣發亂。天房忽已肱。地坼毋乃斷。且戴花勝遨。城南恣游觀。看花槐街陌。百市到日晏。迎春黃裊娜。冰葉削天蒜。稍聞蠶房喧。已見池水泮。興來藉草坐。醉覓柳閒鍛。何必丹邱人。吾游真汗漫。

漸西村人初集

詩十一

春雪 壬午

世網多傷性命期。郊扉一雪閉虛帷。翻因長者無來轍。旋得高歌引滿卮。離月夜來黃有暈。園林春早玉交枝。呼兒領略山家趣。蓋代功名委一炊。

題朝鮮金梅隱母朴氏授經圖後

善名末

采風昔見貞蕤薹。朴齊家嘉慶中使都著貞講肆今傳畫荻圖。鐙影機聲還著作。雞林鵠嶺正敷愉。九徵能事歌將母。七選皇華憶哺雛。無限伽倻山色好。一枝藤杖幾孫扶。

偶題

世故攫人劇箭過。靈臺稍桎又焚和。且於解縛隨方住。風定依然得靜柯。

釋惑

樂餌媚過客。始諒終輒鄙。道心澹無味。用之安可既。奔趨利名場。役形旋喪已。渴人思得泉。疲暮無栖止。歸來竹窗下。古籍光照几。家有石覆泉。顧未知之耳。

屋西

屋西喬木小林邱。一臥牆東幾宿留。夢裏滄江生石髮。眼中塵世幻浮漚。詩因變態清新出。道信忘機寂寞求。人語雞聲從擾擾。竹鑪茶銚且休休。

贈鹿溪

刊落浮華真性見。脫離世語道機深。幽栖迹類齋時納。晚食心同瞑後禽。種櫟十園非與是。戰碁三百古猶今。抽身輸與陳公早。先占淮南桂樹林。

謂陳六舟丈

適志二首

削趾而適屨。物勝枯其天。斷鶴以爲臆。性命長拘攣。君看浮華子。衰榮互嬾妍。不如捨之去。閱世空雲煙。朝攬池上勝。夕息區中緣。顧神赤玉簡。濯髮蒼山泉。陵者習于陵。淵者還于淵。高者翔寥廓。下者啄腥羶。各自從所好。毋爲奪安便。

學士擇羣籍。立言期有物。及其務逃難。碎義還詰詘。胸有一物蘊。如繒不受熨。水火坐相爭。是非瞿肯屈。不如冥物我。得喪齊窪崛。還游無物初。世議謝愉怫。名理如秋月。不受纖塵拂。至義如寒鋒。應機有立刺。理義無虧盈。人心強區別。虛室生微明。真源不待扣。有物如無物。何煩禱與祓。

自同治末至今。燕中俗樂。咸尙唯殺促數之音。此羽聲也。羽於五音爲物。所謂其細已甚。殆勿堪矣。豈將淪於島索。翳爲龍沙。蹙天下之生民。失羣倫之正性乎。少寇六安吳公。昔嘗與予踞觚語。此良用深憂也。夫聲音之感。非一日之積。貞符之啓。有革除之漸。待河清而製頌。思古樂以導和。不無勞

者之歌竊取正音之義云爾

淒切物情彫。調刁羽音作。東國咏其空。南風還削弱。勞民或化泥。君子將爲鶴。寒谷春未回。崩厓水方落。黃竹鳴慘慘。白龍堆漠漠。蒼葦彌道周。幽蘭槁林薄。略戒思前言。伊人去瀟湘。所期聖運昌。元氣入簫勺。七始祀郊歌。三終破陣樂。誅蕩天門開。聯翩侯服恪。有燭四時和。無私天地囊。吏術廉且平。芸生耕復鑿。爛漫衢歌翁。拊髀還雀躍。

訪沈子培弔季不遇

城南連屋似波濤。中有虛船陸處牢。柳下士師從削迹。杜陵男子且趨曹。玉生荆岸雙皆潤。桃熟綏山一已豪。欲叩荆扉還寂寂。意行聊復眺林皋。

懷劉雲蓀

一臥青門歲月遷。閉門種樹長風煙。眼空稷下三千輩。足蠶移中十九年。海氣昏昏浮赤縣。老懷耿耿毅黃肩。幽居瓊細觀羣動。久竹生蟲一嘖然。

游可園

俗呼三貝子花園

名園幾易主。今栖賣花翁。迴欄緬遺鳥。略約清流通。翦取瀟湘九里碧。鑲此詰曲朱門中。不知何王搆人去臺已空。惟餘枯樹腹。弱藤花亞石玲瓏。瑤梁苔繡無歌舞。花照當時人面紅。

送陸漁笙提學甘肅

焦明所居巢。灌莽化瓊英。賢者所居俗。僕昧爲韶莖。閩學常衰始。蜀學文翁營。近者黔學昌。亦仗洪更生。居賢俗乃善。易詞何深明。陸君金閨彥。氣如春景晴。抗議畫防秋。赤心內含貞。近復銜使命。勵志頗博精。輜車指西極。汎吏相逢迎。勿謂汎俗陋。探風始牙萌。安定山谷間。甫息昆夷爭。士皆帶經鉏。吏或腰笏耕。使者不戶說。响濡如父兄。起其廢與疾。息彼剽與黥。大指責禮誼。經訓輔以行。若遇王節信。禮之課澤橫。或有元晏質。假以書一簾。釋菜石室闢。造輅椎輪成。河西昔士鄉。古意發今情。漆書杜林蓄。奇字江威評。稍稍導先緒。華風被莪菁。餘事記風土。壯懷軋霄嶺。歸裝仇池石。一笑會合并。嗤予蹇且劣。纖筵倚巨檀。待紬使者語。取續方言名。

得家書

家書來自嚴陵瀨。是日微霽未放晴。竹樹炊煙正寥落。幽禽隔屋時一鳴。只疑尺素迴環裏。中挾江鄉無限情。

石屏風

山翠滴空濛。下藏雲一谷。蒼茫樵路暝。何處幽人屋。急雨過喧豨。奔泉下山腹。諸峯稍開霽。不見山之麓。山高雲爲衣。雲散山更禿。悠然兩無盡。變態互縈伏。何年化工巧。剖此乖龍肉。黯黯復青青。米家山一幅。滇中好事者。持慰人海獨。割彼袖中雲。伴我西齋宿。臥游九里松。高枕聽琴筑。

予鄉有山名九里松。

雨

空庭無可悅。一雨竹樹幽。淺水漫砌行。曲折赴暗溝。片花浮過岸。一葉墮爲舟。旋渦疑伏瀆。密溜乍圓瀉。試攝滄洲趣。宛然清磔流。雖乏菰蒲樂。還招鳬雁遊。

唐微卿吏部家新種竹數十本。一雨三日。竹萌怒生。舉酒觴客。予亦同作。

冷官庭中一物無。今年土旱尤較枯。詩瓢山人畢卓徒。脫巾攜汗跣兩趺。搖豪覩句腸不剝。倦則高枕青奴羅。忽命舂鍤城西隅。釐取老竹百輩俱。長安甲第欄楯朱。此君久矣辱泥塗。昨來折簡高人呼。不辭拂拭青珊瑚。祖青孫紺紺雄雌。雪兒雲母相撐扶。炊煙過午未出廚。竹田竹屋營須臾。洗車雨驟朝至晡。甘澤不待求嗟吁。或俛勁節瑩寒膚。或修而瘦短而腴。風鬟霧葉不可摹。土膏入脈融泥蘇。瓊肌生粟露綴珠。籀龍闔然生戶樞。綳之三日頭角殊。攢林鱗鱗穿芻蕘。朝看裁寸暮徑扶。天憐蕉萃意不誣。故遣俊物來相娛。生氣遠出雄千夫。吾儕危根厥株拘。暫權與汝忘江湖。寵之賓朋酒百壺。饜及馬走同盧胡。散仙投閒府中趨。不知何年剖竹符。待汝長成意氣羶。捎雲礙日清陰敷。著書或者謀操觚。汗青酬汝不汝孤。

送張仲模侍講出守金華三首

久於秘閣金庭住。何似春江畫舸行。屢伏青蒲曾抗疏。一麾白羽已專城。笑談坐欲迴暘雨。撫字應知如父兄。山色經過吾郡好。碧油幢引列仙迎。

漸水浮嵐出夢中。煩君寄語報村童。我歌樂職如何武。君耐清貧似長公。溪鹿長馴行蓋轉。山花爭照板輿紅。君以親老乞郡清游幾日南池飲。早晚新詩寄釣筒。

我羨金華紫煙客。石牀瑤草故依然。剖符新製名山屐。采藥還捫古洞輒。俗樸黃童來獻酒。吏稀白鷺去巡田。土風何似黃州郭。筍美魚肥不計錢。君黃州人

幽居四首

世途劇險巖。使我心魂驚。善哉莊生語。厚貌而深情。風波起方寸。彈指變枯榮。我欲逃世去。何方養殘生。委運南北齊。忘懷得喪并。虛舟世我宥。海漚我世忘。雨來修竹暗。雲去高槐明。晦明有代謝。淹留竟何成。欲佩入山符。山中多猛虎。欲泛尋源槎。饑蛟涎復吐。少年意氣盛。肯隨俗仰俯。不恤鯨牙劇。遑嫌虎鬚怒。邇來漸覺衰。坐困浮沈簿。豈惟不堪七。自知宜去五。傷性無時休。捐書亦何補。寸根僵石閒。憂患戰風雨。何當一赦去。干霄遇風雨。

守道不世諧。隨俗與性妨。兩俱悞我心。塊然誠內傷。偶讀抱朴子。自敍避世方。始知今人歷。古人亦已嘗。初志不在小。勁氣攬八荒。金石鏤不已。轢險而摧剛。多困乃決返。賢愚果誰長。利者仍歸鈍。固者剋其方。區區攝生術。恃以祓不祥。不死者元氣。形骸信可忘。修身有大藥。聖處浩難量。壽世非誕言。伊川先生嘗有詩云。我亦時遠欲壽斯民。用

失時空自藏。如何漆園傲。遣日徒荒唐。

昔人苦長飢。投未去學仕。今也食不足。屢空常復爾。有粟雖一囊。固慶彈冠始。吏事未通曉。素餐猶可恥。吉圭爲黍盛。質廬薦筵几。甯嗟無酒錢。但憂時俗飢。衣租食稅多。三羊煩十筮。囂然省寺閒。蒼蔚良可鄙。我復何所營。迷陽可以止。藥飢浮空樽。素綆汲秋水。避世亡何鄉。自適而已矣。

挽章伯噤

潞河幾日盪輕舟。剖竹俄嗟付決疣。早達方欣棲近日。未衰何遽擇辭秋。倚空更斷蒼梧目。君母大人。題在嶺西。字曾同紫閣游。悽愴黃雞歌一曲。人間何地可埋愁。

致仕相國納拉公挽詞

諱全慶

不使中郎解摸金。入關忘徙感恩深。戊寅春。某隨家來日下。公時監督學文門稅務。爲特戒避吏放行。勿搜行篋。久知達節耽身退。復肯迴車訪陸沈。梯几具瞻三老冠。卜居真欲二林尋。傷心秋草沙隄碧。直並西州淚滿襟。

萼老敦夫枉訪不值

苦竹荒寒未掃門。虛閒二妙笑言溫。野雲偶逐塵緣出。深轍迴知長者存。高論縣河思解蔽。幾人逃谷約成村。縵堂生白經過熟。欲叩渾忘象與言。

中秋

今夕知何夕。秋光入櫺籬。無錢叢桂賁。几坐素蟾移。強笑酬兒女。捐書送歲時。久嫌無妙句。留作遣愁資。

儒史

儒史多將成敗論。從容智術貴全身。河汾不恤京房枉。涑水猶援筦仲仁。碧血翻譏非順命。赤松見許善藏神。邵氏觀物內篇曰。智藏留侯。善藏其用。未妨農仕權勞逸。蓬累金門愜隱淪。

行年

行年三十七。政宜草黃庭。無復飛騰意。君山夢裏青。

張君藹卿。將之保陽省觀。作詩送之。

十年輾迹澹相親。蒿倚長松覺有神。豪氣剷除仍卓犖。高材鑿括更清新。不嫌妙畫汙寒具。爲致奇書聳海濱。自厭迂疏充吏隱。感君事事掇皮真。夷門曾說潘邠老。獨枉華軒隘巷中。抗議肯爲衰俗廢。論心知復幾人同。斑連官閣君衣綵。索寞京塵我轉蓬。好去欽夫資助理。安危今仗紫巖公。

寄賀李景卿生子

靈根重穎茁華池。又報豐盈玉雪兒。長大喜頻聞語吉。清貧審復畏人知。佳徵定夢張敦復。

君去年喪一子。小字

應呼李袞師。拜賜奇書當湯餅。傳書還乞鳳雛宜。

先一月簡子通鑑長編一部。

許仙坪丈新除河北監司有贈。

君才良玉潤年豐。十載遲徊秘閣中。晚剖使符監鄴北。早工馳檄擅江東。言皆與帛含冬暖。氣更如蘭汎霽風。利器久閒聊一試。發硨行見孟勞工。

八月晦日夜記彗星狀。

油鐙寒無光。雞號夜已戊。披衣起推戶。仰見斗枋裏。旋升高城望。氛祲欲一觀。有彗東南隅。歟薄長空轂。我雖乏遠鏡。豁無纖塵翳。度亘千里強。勢倚兩角驟。本銳末則銛。如劍脫瓊首。又若一疋帛。睽睽碧落透。

或云蚩尤旗。兵氣迫龍虺。席捲衆星芒。已半月宿留。海客廢占諗。甘石孰推究。變則刑德修。哀職疇補掾。人言指輔臣。負乘將召寇。洪郭兩傳。卿。相。不飾。簠簋。恥。遑躋蒼黔壽。蟻蝕梁柱空。主人神明茂。災異免三公。漢法猶可復。

深宮未明衣。應寤羣枉疚。何人譴閭闔。披赤告我后。布真流殛新。滌除羶腥舊。萬彙荷聖慈。惟奸不在宥。上迴天象警。下弭民心祝。歸來立中庭。慘淡皮肉皺。妖星行漸高。欲搏虛門味。狂言不遑恤。獨歎甯畏詬。須臾寺鐘撞。日殺曙光返。氛祲絳驅除。浩蕩還宇宙。

寄朱竹石觀察四十四韻

清秋滯京國。望遠一蕭疏。忽枉朱公札。頻將乙部書。殺青官閣竟。生白陋齋虛。食息甘浮瓠。心情更散樗。驅雞移檻竹。翦蝗摘園蔬。或勸之罍醉。還招叔起漁。勸廚烹郭索。呼權狎春鉏。時覺曹牽馬。慵看甑欲魚。煩君雙尺素。投我五專車。觀蔡先後還子續通鑑長編。畢氏宋元通鑑。徐氏讀禮通考。秦氏五禮通考。諸書。氣色開茅棟。題封想玉除。性頑資發藥。才薄倚吹噓。價比連城重。光分一日餘。編年斯體大。凍水發凡初。結構思劉范。爬搜到史胡。刪譌龍爪改。考異鮎埼據。全謝山先生經史答問。名及謝梅蘭注。年最遺經接。名謙寶錄居。長編孤本出。汲事九朝儲。黨議熙熙眩。家聲屋壁譽。靈巖名似僭。御署例誰如。翔雅原超薛。陳氏標。王氏宗沐。薛氏標。稱盍仿徐。徐健庵尚書。通鑑後編一百八十四卷。畢氏疏所本。題曰後編。用李文簡諫言。不賜樓傳是。忌。志局洞庭墟。金碎閣才博。瓊源顧義梳。微圖詳禮服。削簡帶林筵。別錄文最續。凍水之例也。恭括天官戴。宸据一門。互禮通考內。觀象授時。一門。東原戴氏手筆。朱江推啓輅。徐秦兩書。以儀禮經傳通。解。禮書綱目爲張本。鄭賈漢歸閭。此籍皆珠海。何

人議石渠。懸知饋符粟。復遣治荒畝。阮傳言堪玩。

阮文達云。策仕以後。無日力治它書者。惟傳心從事二。曾侯通。可以知修已治人之要。謂資治通鑑。文獻通考也。

罇欲苴。

曾文正公讀秦氏通考。謂軍禮尚未能盡之。按漢藝文志。所謂軍禮司馬法百五十篇者。既不可復見。惟續恩地亦云。軍禮皆亡。然老子曰。戰勝以喪禮處之。又曰。偏將軍居左。上將軍居右。如此類。乃軍禮佚文也。

與供考索。

王深甫先生。作地理通釋。與胡梅疏注。同時並出。而各不相謀。

軍禮待操肱。迨爾藥憐蟻。定然壓憶驢。捐書慚適適。健忘恨哇

哇。壁馬驚頻顧。瓜牛寒我廬。野人應暴富。佳客許相於。久慚師榮啓。從新夢几遽。驟添經物簿。並揭寫官

糲。寶永孫兼子。攻憑錯與礪。喜先翻脈望。室不瞰窮魑。舊業傳工部。

先機仲府君。著口事本末四十二卷。

旁箋撫若璩。通今

知善敗。訟古戒紛拏。君折時流角。予詢弟子正。遙親巖爛電。欲去鑑承諸。別思黃彫集。何年翠引幽。贈言

無長物。食籍但餐菹。聊附拋輒諺。雄章待和余。

挽王子恆比部丈

未識治東耆舊面。十年清約少人知。能令溫橫周疏族。不惜沖襟照等夷。黃散贈階韓筆署。藍田家戒宋

賢遺。俗衰常恨稀高行。欲奉生芻一醕詞。

梅延祖挽詞

憶共公車黜。延緣訪柳翁。將爲服生授。曾幾勝游同。舊業餘唐石。談經有漢風。惟應澆墓上。濁洒復能中。

柳先生與宗。塾藥老師。以其說授梅。使次第之。用鄭君以左傳說。界服子慎例也。

劉恭父挽詞

孤露早憐我。傳經應羨君。松原惟柏悅。蕙意歎芝然。閣游飛霞麗。陰真惜日勸。征鴻乍南去。哀唳付重雲。

微卿將使越南。卽題其萬里請纓圖爲別。

曹署困常格。沈冥垂十年。唐君不可測。鑿空開龍編。上書自謬謬。銜使遂縣縣。簪霧愁沙鷺。瘴雲侵跼蹐。行人說還恐。君乃意超然。忼慨懷主恩。翕張洞兵筌。志存扶微國。空奪穀黃肩。氣懾山越隊。身輕窮塞煙。待君旨慰畢。吉語徹殿前。屈指還漢日。節旄猶未穿。烽行北戶熄。圖欲南薰懸。丈夫四方志。惡能坐拘羈。寄題從外舅薛夫子黃葉村莊。

淦淦禪心時閉關。偶穿曲徑達崎灣。厭聞世語稀通客。獨上秋原一散顏。藤挂白雲江外寺。瓢傾黃葉雨中山。種松也待伏靈長。莫笑道人終歲閒。

街西一椽屋二首

街西一椽屋。廣足傲瓜牛。屋西一畝園。天然好林邱。云是勤敏營。彬彬佳木修。直四有園。黃左田尙書故居也。今析爲四三家。我屋翼涼朝。昏得休休葉。榮我知春葉。脫我知秋。猶存公手植。光風灑和柔。公少滯勁操。晚榮恩遇優。華簪挂朝籍。豈足云菟裘。緬懷退食暇。把卷茶一甌。竹几閣兩肘。松碕豁雙眸。清晨起危坐。液液黃庭游。割此幾蠶房。鵝鴨今喧啾。我居枕公園。適與衙官侔。長羨開元日。撫時增百憂。昨夜霜風緊。林衣墮颼颼。天明不可掃。飄冒蘚石稠。濁酒一相酌。歲寒公知不。

北塘槐一章。西園榆幾株。何必爲我物。對之結清娛。樹石不厭我。深情共愉愉。我亦耽樹石。環榻長疎疎。枝搖盆池碧。影入綺窗姝。惜無履道里。買地拓一區。種竹巧謔埭。在魚故穿渠。且蓄此佳願。行藏聽榮枯。

塵寰足止止。觀土心如如。長安多甲第。連雲蔽交衢。試作平等觀。何殊蓬戶樞。況乃酒肉臭。鬼瞰高明居。晚食共一飽。弊帷同一車。檢書呼短僮。搔背倩村姑。得錢壓茅柴。注瓦當玉壺。一斟權不足。再斟權有餘。何妨是鄉老。安能羨挖朱。

送許仙坪丈

昏昏市交心。何處作深語。黃菊甘蒿蓬。深谷閟風雨。晚遭澹澹人。頗獲稍稍許。我儀湘鄉公。氣靜志行古。充然植孤標。事業非妄取。九原如可作。韓歐有高矩。公門餘祭酒。卓犖奉新鄒。漸未識面時。高名動吳楚。跌宕老軍諮。沈雄佐幙府。患氣工幹旋。物情洞蠅縷。意冥陰符祕。目笑說鈴虜。餘事作錢歌。氣陵枚馬俯。二豪攜僕隸。一第真臭腐。積勞肘後印。棄去籀元圃。優游承明廬。狡獪猶可賈。傳車頻稱指。國能非小補。淪冥忽十年。詭時藏勁弩。春花看到秋。卯飲動至午。劍頭聊一快。國論紛塵土。逆旅薺君。腹毛揖背羽。諸語知慎言。意行見靈臍。周旋俄已積。歲月發深撫。昨來拜新除。一路剖銅虎。聖心擢英髦。責厚艱支拄。應肚舊所聞。勿畏流俗語。湘鄉繙成規。遺書乃治譜。況胤懷蘇門。百泉在行部。英英邵許孫。訓康節。魯齋。夏案。諸先生。流風相穀乳。治必出於學。斗筭甯待數。道仲砭世議。言立期利溥。蓬累徒贈言。區區知勿吐。

微雪獨坐

風竹寒以搖。拳雅不安泊。虛堂扉自掩。門外斷行迹。松僵蓋微青。瓦漬溝已白。坐忘喧與著。眇理欣有獲。

憶舊二首

人生思少日。樂事道咸前。戚里傳花勝。新年泛畫船。家家面山開。處處抱林園。踞窻爨紅葉。燒畚鋤綠錢。秧時村鼓鬧。梅底雪簷顛。上冢分寒具。澄江映杜鵑。登高耶命賦。扶老叔尋仙。夢逐前游好。昏昏愛醉眠。每懷寥落感。同後長崎嶇。倦旅塵。遣日未忘多難日。收身賸有苦吟身。坐看嬾稚誰堪語。就卜田園不泊親。久蓄本謀依丙舍。奈無三徑闢荒榛。

雪

嚴風時折木。飛雪灑鄰家。叢竹翻含粉。寒條半作花。瀛洲迷一角。宅後黃左田尙畚故園。有瀛洲一角勝。今亡矣。蕭寺覓三車。

左鄰地 強倚杯中物。衰顏欲變霞。

朱兵曹移居戲贈

楊朴遷家好作圖。吾兄靜者亦移居。浮梅湖檻何曾遇。爆栗甌鑪政用渠。蹇騎饒他三尺筆。跛奚抱得半床書。爛漫官身宅神笑。相依定許一星餘。

寄從子德正二首

相隔山程與水程。睦親坊屋待新營。頰眉樵擔憐子姪。穿鄰葵床上有兄。一別年光侵逝水。孤燈巷雪灑深更。我如病羽歸無力。卻羨江鷗箇箇輕。愁看汝弟漸長成。但覓燕京梨與棗。陶公且進籬東酒。杜老還拾畦西稻。何時一處把鉏犁。放我長年事搜討。耕田識字吾家事。勿學漫翁常草草。

懷松岑

時君緣事下吏對簿

別蘇打碑曾北寺。卷荷行酒憶南池。舊來野興交鞍語。忽漫危機觸石悲。甚欲歸尋紅荔館。可堪羈縻白雲司。焉知醉飽成愆咎。摧挫清門不自持。

招朱兵曹

少時局趣限閭井。常恨無以壯其詩。及茲窮年踣塵土。翻嗤何久旅人爲。無梅無雪供幽賞。得漿得酒且常持。隴種朱翁開口笑。隔巷呼取一中之。

上周自庵閣學

時致仕已七年

眇然人物光豐後。獨有蒼顏魯殿尊。老託著書聊自遣。壯懷經世與誰論。常林座有三公拜。宏景文先十寶繙。若待中朝諮掌故。延登梯几舊儀存。

和

自庵先生

材似積薪後居上。敢云無佛且稱尊。年光欲暮彌加惜。詩律因君得細論。劇迹尙慚塵鞅難。觀空願借佛經繙。青楊門巷相招近。春暖務閒希枉存。

吾將篇

吾將與雅鵲同一巢。聞雅不怒鵲不嘲。吾將與雞狗同一瓢。媿汝猶能躍听而警宵。吾將蔭南山之松柏。戲北渚之蘭苕。理釣緒于水滢。卜穿窠于山椒。朝吾策杖以獨往。夕息影而長謠。捨市朝之晷晷。逝礪谷。

之昭昭。耀明月之搖蕩。御長風之蕭寥。左元鶴。使爲我汲。右蒼龍。甚我藥。鑿白石以爲糧。勺清泉以爲醪。從冠簪而衣櫛。與田父而相要。已焉哉。逃虛空。使不枯吾性兮。吾消搖以終身。其焉求。

除夕口占二首

迴思壬癸事。一度一酸辛。饋問猶煩友。杯槃不泊親。虛期三畝隱。爛醉五陵春。箴語輸韓子。差強齒尙存。
歲儉市聲急。冬暄春物彫。剛腸迴鬱鬱。雲氣望蕭蕭。年任侵華髮。羹徒付族庖。懶從鄉俗守。昏睡足今宵。

又

兒童盡作幽燕語。那識而翁越世家。笑倚春盤常草草。強令村學尙牙牙。簫迎枉渚潮鳴寺。鼓響空山人摘茶。背郭舊廬無恙在。尋源攜汝泛溪槎。

漸西村人初集

詩十二

癸未元日作

得霑微祿荷穹慈。樗散慙無術涉時。酒漉鵝黃新歲甕。花敲猩絳隔年枝。不逢文盛開天日。強逐郎潛未
絹司。真俗相妨嗟久矣。勿嗟諸語雜優伊。

春游

草暝綠將苗。沙平漚可眠。長檐車碾過。似泛箬篷船。

懷楊西華丈

長年

驃騎航南十萬家。莫貴荆扉老楊叟。昔年語我寒山偈。到頭半字甯相掇。斥金買書高屋山。不知其理誰
能有。因君此言感我心。久別奉書詢健否。辛未壬申閒。時一至白門。與楊丈游。甚樂。一日。丈忽正色誦寒山子
詩相戒曰。黃蘗作驢。方知苦在後。生死忽到頭。半字不相救云。子
一向在文字窠臼上尋道理。終不
是安身立命處。予悚然受戒。

蘆丁一首

蘆丁二十年前劫。生死田頭走幾遭。何日茅庵戴山住。一方採藥一方藥。

西山隱者

犁眉叟多傷世語。羊鼻公有述懷篇。山林欲往卽長往。何事俗客強周旋。

吳宗丞使還餽研輒。

何術干將割紫泥。使車載自鬱林西。苦無語妙訓墨妙。留待山行薜壁題。

竺坡侍郎獲嚴譴以長句贈之。

漢德如天忠厚積。艱危倚賴望宗臣。雖輸中壘成新序。雅稱元王作後人。
君爲鄧親王濟爾哈朗之昆孫。爾。國語讀若拉。 惻惻前游翠微月。蕭蕭雲物帝城春。豪華聲伎終爲累。竹箭摧殘未改筠。

層臺一首

層臺支直木。可以禦烈風。木也勿自蠹。一蠹羣枉誣。廊廟倚忠佳。往往積毀叢。淮南寢裘謀。汲直無形功。信國之利器。諸君方發蒙。曲木常妒之。蟲來助虵攻。伺君跬步失。快彼含沙工。直木纖介惡。天聽爲之聾。曲木邱山臯。浮雲塞高穹。層臺雖云固。穴蟻榜其中。一朝隕且壓。誰實職棟隆。繫惟曙戒者。扶植臭味同。芝摧蕙譔譔。松僵柏忡忡。吁嗟復吁嗟。冀迴明堂聰。倘直木先伐。中楹長蒿蓬。區區賤士懷。深夜虬白虹。
松岑獄中用蘇文忠韻作詩見示次韻答之。

憶曾爛漫蹋芳春。此日枯梧倚瘦身。桃梗語連泥梗語。蓬蓬人笑轉蓬人。劍頭炊黍渾無迹。談舌張幢尙有神。學道每從憂患得。漫勞季主問前因。

澀體生新古洞春。藕絲穿孔舊吟身。同爲竊食太倉雀。莫漫尋詩狐穴人。物論久知齊得喪。危機應謝役。

精神君鄉亦有梅莊叟。甌脫談經豈夙因。

聞獄結將遣成

春迴舊柳官隄綠。酒熟新篘窟戶低。何日敕書晴啁鵲。一邱茆屋午聞雞。憐君自署支離叟。顧我逃空法喜妻。地上經營皆寓耳。先拚一飲鐵圍西。

脫離火宅神旋王。不遇孤標首肯低。北叟寓言從失馬。惠施雄辯更談雞。卯君乞贖應憐弟。楊朴箴行尙有妻。子獨經旬游屐懶。共誰攜榼野塘西。

霽

連林釀春霽。花氣潤几席。皴苔黯逾青。小閣虛更白。入夜萬象冥。浩蕩春江泊。朝來霧濛濛。輕綃羃檐隙。又如水田衣。不辨竹翳石。微見低昂枝。寒生菌蠢翮。森霏隔朝霞。環細幽事積。空幻無定姿。喧靜俱可適。一臥如荒村。丹邱養營魄。

壽周荇農先生七十

千歲之松根。化爲石。不辨孰爲松。孰爲石質也。上士百歲。心與道一。不辨孰爲道。孰爲我見也。彼操術淺者。斷斷剖同異。離真俗。刳心勞形。以爲至矣。而其中津津乎。猶有惡也。若長沙公之耆學勤。養性厚。量腹而進芝朮。度形而衣芰荷。殆幾于真妄兩冥。權實俱化矣。長樂復丁。不可涯已。因假詞以起興。

鬱律青松姿。結根自朱陵。朝與仁禽游。夕與醴泉凝。蟠屈幾何年。蓋偃衣鬚鬢。其下紫蘭苗。其上蒼羊鬬。

移植貢上國。雨風和氣蒸。細則華藻麗。大將宋棟承。妙墨潤制誥。芳蘊翼瓜棱。乃居顯晦閒。外物眎驚騰。同時哂流輩。溟漲擊鯤朋。天全謝塗獲。道勝自規繩。批棟今欲簾。嶠嶠古能樞。惲子居有藏今而友揚古而師之語雲濤氣旁薄。鍾聲聲鏗。上更復丁壯。箋疏洞疑癥。夜來書細草。精爽翔秋鷹。律身景隨表。閱世臂休扔。玉栢三絕簡。赤城一枝藤。術智難強名。蒙無得而稱。

上大理卿前侍郎長沙徐先生

薦士公之職。幡然就左遷。幾人安義命。達者必孤鶩。載酒西湖垓。敷文南國賢。風神常灑落。藻鑑絕拘攣。復啓鄭鄉學。重支橫舍椽。諸生度植進。宮緒阮儀徵陳石士聯。禹穴風磴黑。柯山霜菊鮮。苔剝縉雲篆。薜剔獨松顛。問俗興廉孝。甄微付芼拳。沮蒼增祀碣。油素惠窮廛。德澤猶能說。箴言賸欲編。歲行俄去越。秋請復歸燕。蒼舊三朝貴。中文七閣孳。緋衣仍借紫。丹轂不如元。密座霏瓊屑。清廚饌玉延。奇文恥加點。大句偶施鐫。守發公羊墨。言超郭象空。占星仍畫鋌。惜日每懷鉛。桃市劉郎笑。薪材汲黯捐。石渠修秘笈。官燭憶餐錢。蜺蜺嘲能事。蜉蝣議輩年。網塵懸鶴蓋。苔璫繡龍淵。定國門閭大。元常草隸妍。耳鳴聲轉密。心畫被從穿。述作兼諸體。機神息衆緣。談諧金拾碎。豪格玉生煙。紫蓋中峯路。朱陵古洞天。隱朝時類展。觀井或嗤錢。泛我浮幢海。餐於苟簡田。追攀頌靈壽。媿之子雲篇。揚子作靈壽頌謂杖也

再訓湘陰相公一首

直以俛眉推國相。能容揖客事將軍。九流深媿圓機木。重趼空操方枘勁。海若倒輸松下礪。雨師迴灑甕

天雲繖山銀杏垂垂老。樓李天桃紛復紛。

晦巖村

谷花藏古寺。溪柳覆漁磯。鼠食松子香。雞銜稻孫肥。人家西崦裏。煙火隔雲微。曾作源中客。春歸人未歸。

寄顧秀才

世故百消鑠。夙心幸未化。得君一藥言。起予千日嘔。衰俗久紛紛。微明無一罅。如耳習淫哇。正聲翻自訝。藉非金石止。衆脍隨波下。甚欲去鍾山。卜鄰課桑柘。穿渠劇新畝。築圃正僂射。古人不可攀。有淚浩如瀉。抗志荒翳區。不欲迴吾駕。

蕭寺

淡沲雲波蹙細鱗。天街新雨淨無塵。獨尋蕭寺荒寒甚。一樹娑羅欲作春。

次韻薛十八題圖二絕

青山爲枕雲作屏。不遣文人斲草亭。剗削虬蛇厓石字。無言獨自養黃庭。

瓊瑤勝遊清夢

智凝上人新闢睡軒

太虛爲燭。朝霞爲帳。碧山作枕。白石床。何處不以浮幢海水澆煩腸。昏昏且飲且田獵。擾擾生死百千場。內觀芭蕉不實之乾殼。外眎枯槁颯颯如風狂。定心不起河而鉞。彈指幾見海東桑。付與花香日暖春睡。

足醒則寒碧。一勺無羲皇。我聞韓公耆甘寢。慢膚汗漬琉璃黃。又聞半山製方枕。露氣沁入泥丸涼。定林壁城南莊。世閒游屐不可到。竟莫導以亡何鄉。禿翁晚出復從二公謀。一醉醉倒熱然枯木形。影諸適兩相忘。

訓洪右臣給諫朱鼎父著作

腐芥珀不拾。霽雨荷不溼。甯違流俗人。意氣不相入。所以一月中。笑口開不十。窮官念骨肉。風煙阻原隰。飢驅朝出門。暮歸百憂集。兩侯忽過我。如渴得美汁。劇論開孱顏。夷塗解接楮。中庭無佳花。酒戶亦不給。浮陰暫欲霽。風勢吹還急。不如陋室中。步履時見及。名理餉春膠。幽尋窮勝笈。常遣飴蓬心。華池丹一粒。

題洪大詩集

觀身如枯木。乃出風雷心。世事困蟻鬪。君兩耳俱聾道筌樂淵沈。牢愁三楚寒。急景一春深。疾惡剛腸在。不愁華髮侵。

細雨

小窗明滅夢痕輕。江柳江花未放晴。細雨如煙初葉嫩。客中渾忘過清明。

故提督陳公

國瑞

湖北應城人。敢決善戰。同治初立功淮潁間。曾執摯受書于孝靖高先生。介冑之

士而折節韋布。其爲名將宜哉。後緣案譴戍黑龍江。庚辰俄事未決。南皮張公材而薦之於朝。未果用。聞其瘁于戍所也。哀之以詩。

聞鼓時危思猛士。藏弓運去悼良臣。黃金買骨空傳畫。青史留皮已失真。塞上波濤能助順。草間狐兔久成塵。諾尼江上傳芭舞。劍氣沈霾闇不春。

便房敢望祁連冢。弊蓋猶銜聖主恩。舊賜園應歸牧豎。常乘馬尚識邊門。淒涼部曲愁長陌。寥落妻帑蔽短垣。沈魄招公何處所。欲傾淮水入金樽。

柳白沙黃雪沒韉。短衣宵獵醉胡詞。隔河牙帳非唐土。出塞唇吹閒楚歌。餘技屠龍傳韎韐。雄心鬪蟻笑檣蘿。君初駕管江甯府。鬱鬱無遺日資。乃市肉誘荒園蚺。蟻數萬。角闕。以爲笑樂。赤蟻有大如土蟻者。異時嗟賞知天語。颯爽追圖老牧頗。

答人問京華耆舊

同光耆舊誰最賢。李公尊詞翰周公荇農筆。梅柏峴邵文位西而後接斯人。風格蕭然存野逸。君不見薺花朝露不須臾。有味何如操藝術。古人真意且休論。試叩二老瓜牛室。不惟名理解糾紛。但拾談諧興廢疾。列朝文物此遺餘。世事難強何足恤。

馮夢華失足墮溝中作此獻謝

馮君剝皮貯陽秋。濯足懸水昆侖邱。嶽奇歷落不一遇。晚得鄉貢隨常儔。雖然身不滿六尺。腸胃澡濯徧九流。蹇然肯來玉桂國。一空麟植笑皇州。平生囊拮溝洫志。戾陵遏上搜殘甃。朝探萬柳堂頭勝。夕飽雙松寺裏游。建章門千戶四達。研京老筆窮瑣鍔。神奇塞淺無不有。君乃覬以弱豪收。湫神巷鬼共排娼。謂此爪嘴將見讎。上都久乏巧言語。蛙聲里耳安於偷。君來萬物困陵暴。無術犒以千頭牛。姑施狡獪泥阮阮。

辱若曰注杵壺投籌。翻如墮葉下崖。厂警如流彈穿甌。簍子雲雅好三淵觀。潛地而地猶斂鉤。況此蹄涔一勺耳。竟亦欲以臥矩求。吾聞陸湛古有道。抱石毋乃申徒侔。或云犧尊將薦廟。諷君全木藏于溝。不然期子息聚訟。溝合漢宋毋相訖。麻家中西各樹幟。溝通有待談天驕。君兼通九章算術世閒語穿不得避。遑恤辱井髡啼驚。須臾街卒負公出。欄衫了鳥行中。馗脫衣旁魄。晾繡窰。先生笑壓茅柴甌。世緣例不擇清濁。盧水何異方池瀏。我謂君甸泉萬斛。劉興之賦。那得相軒洩。得官夢腐古恆有。水厄詎足煎煩憂。忽聞下詔徵奇士。不許江南狎野漚。

偶題

四月二
十七日

獵輟心何好。羊亡失亦均。支離營一飽。垢淨幻三身。黃飾溝中斷。青餘爨後薪。濁泥終不染。飛翠轢清塵。長句八韻爲縉雲王母壽

石梁菌閣一千尺。枯木龍鍾三十年。疊穎蔚然迴晚翠。寒花聖處謝朝妍。艱辛薺白持門戶。圭潔蘩綺奉几筵。歲儉鳩形爭受穀。冬較鶉結待施棉。重支精舍居頻徙。高泐清臺譽早傳。成立端知茅季偉。辯通不數趙津娟。飴甘雲子娜嬛地。酒盞松肪切利天。好使丹邱降景駐。長生有錄正新編。

夜起

竹間殘雨猶滴瀝。竹下溼螢黏一點。蕭然夜起無一事。河漢皎斜波潏潏。槐中萬蟻戰方酣。井底四蛇眠未嫌。清露霑衣還入扉。曉風欲起城鴉颺。

夢中作、不知何解、姑書之。

潦倒尋花中酒客、婆娑題竹苦吟身。黃鸝去住戀清晝、名與身今更孰親。

頽牆下枯竹復活

積潦短垣塌、天刑籀龍肌。交柯相撐拄、高節筮明夷。昨夜雷雨至、忽赦斧斤遺。陳菱苗潛穎、枯肆發新枝。靈均適樂國、壺邱迴溼灰。物理誠難測、顯晦固有時。

送松岑赴戍所

此別非他日、蒼茫一語無。夢躋雞塞險、風送雁臣孤。去國彫霜鬢、全身遠禍樞。寶刀終欲返、韜養待時須。

夜讀柏峴山房集

不模不範溪山真、滅鑄削迹孱顏春。筆隨意曲家人語、長慶涪皤成一身。卻思弊帶悵然失、摹古獵似何不倫。君不見麻沙宋槧五銖賸、往往貌合嗤遺神。何如老翁攜幼孫、扶筇覓栗情相親。柏峴去今裁卅載、因緣句律覲其人。慈祥戲謔態度新、松風屋山動鱗鱗。何況當年同社客、資梅渾姚相逮津。郎中消人已意豁、惜抱所養尤深醇。黃梅一勺溉能秀、花葉各具核中仁。吏曹巧拙不須問、獨娛文字療癰呻。動吾天機落人事、食息隨俗中難陳。居心淨識寥天碧、世故能令目眇昏。寒鐙無花得聖處、夜來清夢斷車塵。

臥聞吹笛

長笛一聲出煙霧、穿我蘚階青竹叢。渾疑夜舫泊浮玉、敲枕江濤浩渺中。

寄薛十八

枉君容膝瀨齋中。三月澄然榻已空。囊水買田無限好。門前紅稻一絲風。
知憶諸甥笑語諱。攀衣送別又天涯。兒童不信淮南遠。騎竹明朝迎舅耶。

秋日書感

古槐晚花猶弄姿。秋光明媚入疏籬。一樽綠酒不成醉。九日黃花相與期。
短袖欲迴愁地狹。枯葉不定笑官枝。休嫌疲馬趨公府。左輔流民採橡皮。
朝傳海外割龍編。飛輓愁侵絕塞煙。市舶未聞填漏壑。度支何事算緡錢。
珠厓憑阻誰訶敵。銅柱荒涼更議邊。無限故鄉魚笋好。歸心欲買富春船。

漆園

漆園吏傲身將隱。洩上聲銷語轉諧。觸處似人皆可喜。如卿所論亦良佳。
墮階漸喜市塵吹不到。叢篁圍處結茆齋。松肪明滅書殘架。石髮縱橫葉

送楊雪漁使黔中

柱史雍容似貴柔。誰知皮裏富陽秋。已探岫嶺穹碑勝。
錢壁石應愁。州民喜得尹珍好。載酒車前問不休。
去年君使湖南更考牂柯剛水流。刀布與儒人自化。龍蛇

重送潘孺老

東坡道人落僧耳。爛占春光作上元。況公一棹蒼海去。絕勝卅年金馬門。桄榔林翠秋供杖。荷芰衣香冬自溫。鄰曲相迎驚健在。安排新社會雞豚。

霜松閱世飽經風。炊黍功名一笑中。幾見神全市朝隱。要看沙徙海桑空。不須陌上摩銅狄。迴望昆湖漱玉虹。投老出關居者惜。留書強爲駐匆匆。

壽昌校官楊丈年六十詩

天台有逸人。卑栖壽昌縣。輕策萬年藤。來興六藝院。斯邦雖僻左。山水殊峭蒨。李頻與翁洸。秀語開笑電。湘煙句頗妍。枯木名亦擅。學官弟子誰。蒿棘士風變。妙手披采工。春蘭空谷見。近聞攝兩齋。頑金區冶鍊。桃墟秋得陰。藜床坐欲穿。芳風被汀洲。粹盎無可揀。有子良史材。採詩將乘傳。何異劉凝之。神光牛背善。道原東觀居。因之綵尊薦。潑醅新安江。渥丹黃綺面。

棠花寺

海棠花何處。禪房氣沈寥。秋來石幢雨。苔洗金源朝。林影曙疑碎。池光寒自搖。閒將樵共隱。適志且長謠。芸觴乞病歸。吳江追送不及。悵然有寄。

中允氣如春景晴。焦先洞口憶題名。清塵濁潦十年後。雁集鳬飛何日并。初服遺榮唐祕監。稭冠去職漢

儒生。

君以兄喪棄官封服

朱霞矯首望不極。落葉滿衣空復情。

垂虹亭下艤輕舟。招隱懸知多道流。送者反崖君自遠。儼然卻掃我空留。丹楓暝色人千里。珠樹巢痕夢

一漚襟帶林泉好穿築。宅圖他日救工求。

種明逸事

次韻子培古詩二首

枯槁不澤物。憤然意安之。不能雷風變。乃競瑀絺辭。閉門無堅車。何由四極馳。羊質蒙豹隱。欺俗博一窺。少誤壯知悔。白日趁靈羲。深甯鉞盧殷。徒用資爲詩。刻楮炫流別。腥臊出神奇。春華秋不實。葉落長年悲。沈子門祚厚。勁箭謝扶持。深耕啜鹵莽。壓殮及來茲。魯叟席不煖。禹墨勤重胝。安得制河鯪。一振赤縣飢。或排蒼闔雲。危諍國論非。清角陋子野。草書賤師宜。研精無世益。二豪者何知。中流有維楫。何戀荒江湄。六籍穿孔壁。一鶴鵜堯年。道與世交喪。形臞神或全。狂濤吹金石。人文傷眇焉。室有羲皇春。浪騁非所先。何堪山木寇。自伐芭蕉堅。淪冥睨危奔。汗漫遺空罅。時來効白羽。強起覆黃肩。秋水淨可釣。危峯挂檐前。山林皋壤閒。意行快所便。邀子槁梧隱。元關叩幽鍵。

雨蒼將卜隱田盤山戲贈一絕

他年招我鬪雲局。許割盤中一半青。真欲短衣看射虎。更磨崖石待書銘。

漫書

長孺何堪伍刀筆。小生真欲吏朱雲。猶能蒸菌出諸瑞。誰遣據梧張一軍。山薯登盤霜沁腹。蟹螯穿枕瘰生紋。蟻宮或夢剖符竹。牛飲何時聊策勳。

寄山中道流

黃汧秋來霜落池。栗園山鳥啄皴皮。還能玉札寄幽事。時遣松根鑄小詩。白石爲糧蒸似芋。青楓又脫翳成絲。舊游禽向知誰健。短咏羊何一和之。

雜言

敗葉將飛更舞。迴眄青柯獻嘲。玉顏陪下童子。掃葉和煙自燒。

又

久竹青甯懸露。朽瓜白小生池。各適天光壅裏。物化疇能測之。

又

鳥嘒風簷細細。雨垂簷穀疏疏。移中誰陸湛者。柳下非朝隱歟。

又

慘慘雲橫欲雨。蕭蕭風急催寒。何處翠帷暮卷。華鐙醉舞忘餐。

悲日南三首

悲日南漫漫三千里。那復貢丹沙。誰爲馴白雉。
悲九真白骨亂如麻。名王輸作虜。壯士化爲沙。
悲占城草木有餘腥。炎洲無漢臘。絕域隔中星。

尊老見示重九叢花寺集送孺初詩。奉和一首。兼以寄孺翁。

古人有幾佳重九。撥佩萸囊催白首。差仗溪藤栗尾靈。留題蛻跡知誰某。近來筆妙推李侯。無言飲和則
潘叟。會稽箭竹句漏丹。意氣相傾良獨厚。我游其間時有得。窈奧各自開庭牖。枝官二妙頻解頤。藤樹雙
扉從載酒。叟行欲去瘴江頭。士賤誰知耕谷口。且卜城南文字飲。戒敕跋奚廚傳走。白紙坊荒柳河澗。穆
疏村落依榆杻。厭聞世語尋蕭寺。地僻打門驚竹鯁。朱鼎父梁節庵黃仲發沈子培東南美。野服挈巾慙
薜蘿。畦丁栽課鴉種麥。載祖宜歌魚貫柳。興來酒半各登臨。眼界穹窿齊培塿。不知領臂有金元。蘇易唐
碑字刊黜。叢殘皮閣修多羅。龍象於今亦何有。劉濟捨宅華堂非。嘉靖繙經薪火守。撞鐘伐鼓壓城闐。繡
褱錦贖簽信受。道場繁盛今寂寞。金碧照耀俄塵垢。榮觀代謝猶有時。吾屬升沈良亦偶。惟應剝落餘真
實。朽壤生芝泥垢藉。滄海橫流行路難。那恤弊衣不掩肘。夙心豈受浣黃塵。浮世從教幻蒼狗。他年一笑
光範門。大隱徵車起林藪。李侯遺簡長鬚來。朱墨方嫌龜兩手。燈暈寒門風力勁。萬里挂帆無恙否。卻愁
羸卒抗長城。瓦礫應知嘲在後。

簡王荊卿

壺中日月氣旁薄。桃左春秋名偏奇。發攜玉杯今屬子。依隱金馬知爲誰。一陽潛溫柏冬日。萬槁爲我迴
春姿。趨曹華髮有蕭育。束縛深負平生期。

座主禮部侍郎張公挽詩

湖光山色謁旌幢。久媿蓬茅擢芷茫。便坐經須崇口授。溪堂詩約湜心降。俄聞木介官憂遠。不遣金穰歲

守邦力疾遺章及邊事。碧雞何日返銘杠。

招胡繡山

時君自瑯春入都

雪卷龍沙荒北微。霧含蛇草翦南陲。孰居無事推移是。有酒呼君斟酌之。足爲彘中刳木繭。手因冰上作糜龜。

莊子釋文：作居危反。

一相逢一笑驚蒼瘦。試說鹿牀風土奇。

使鹿部人：以鹿腐冰牀挖載：其行甚速。

登城野望

山河四戰壯哉都。大漠孤煙遠欲無。魚鼈日微煩壤敵。驢牛一櫪豆田枯。增城風捲笙竽響。陰壑冰生虎豹鬚。迴望蒼蒼五陵暮。危峰樵路石盤紆。

答張仲模

近得金華郡將書。疏麻歲晏一華予。使君灘穩工新鑿。著作林甘手自鋤。高李壯游雲散後。幽燕寒閣雪飛初。此生會向蠶耕老。欲作州民買墅居。

竹影

朝雲解駁漏窗光。瘦竹一枝寒弄日。幽人何自無特操。綠煙離離若亡質。非真非幻中有物。浮霽掩之恨然失。

次韻答希梅

用蘇集均：時同治國計簿：主者督趣方急。

官書如束笋。作程已強半。卮漏非一孔。絲棼徒三歎。經時轉迷悶。欲服千金散。日費膳雞雙。素飽恥空伴。

散吏無町畦。強拘讀城旦。嗤予支離疏。謬誤可并按。驚波揚更渾。敗髮櫛瘡亂。君乃工細書。如藐姑初盟。誰爲顏羽銳。自媿安于綏。鏘新千牛降。鏃勁一蝨貫。諸君挾堅城。鉞僕怯且慄。寒節迫陽生。矐權鐵與炭。大句欣我投。盡於我乎館。城南理輕策。花窖蜂房暖。物外覩眞游。浩歌聊一聚。

廢園

偶出鼓斜穿小徑。破籬誰氏恰宜亭。殘畦瘦菊揚官紫。一簇修篁擁帝青。洛下無園生事急。牆東有酒道人醒。作碑錢倩何人送。買圃聊治編葦局。

畏人

乾笑冷官魚上竹。休噴疲吏馬牽曹。畏人役役常多可。避世冥冥亦自豪。折簡茅君餐臘粥。準衣萍氏乞春醪。紛紛國論喧虻雀。迴首煙霄損一毛。

適俗

漫於能適俗。久乃喪吾眞。耳聒三釜濁。心期一壑親。

戲簡子培子封

南城地勢何所似。鱗甲千橋劈高浪。君今新居蹋龍尾。喜得西山拓屏障。坡陀起伏作波濤。叢荻蕭疏時一望。道旁擔夫相汝爾。眞俗參差誠兩忘。無酒開顏意缺然。築堂背郭營誰餉。長安國工糞掃苔。方與雞鷹迭爭王。聞君亦蓄千金藥。乞取吾家甕頭釀。

將掾于典客署書懷三絕

無功方欲辭丞簿。阮籍何心乞步兵。風篠一回招凍雀。腥膻餘粒強偷生。
甕中天大醺雞鬪。劍鼻炊危腐鼠殘。自掃林衣供鬻酒。打窗風急敢求安。
紛紛藉藉百年人。何必危機始損神。乞得長腰一囊米。青燈黃卷卽閒身。

澗齋偶題

堯外臣由東鄰采橡作食糧。供薪以逸自名長。何如刳心事天真。處歲若澗醕爲醇。目冥介邱耳不聞。雷震千年枯木當簷欂。伏熊夜蟄禽朝伸。雙丸隱見宿我南窗頻。天光無窮出清新。竹罏茶銚形輪囷。裘穿絮補花如銀。杖頭行沽澆青春。香梗作糜口流津。飢盤時刊江南鱗。先生食飽圃一巡。黃菰甘脆妃齧唇。宿蠶旅麥穿籬墻。蒼官左右故不貧。門前剝啄長鬚頰。兒童聚石苔翳筍。一堆蒼煙搖清晨。里有谿工將我賓。欲往從之寂寞濱。談空說有難復申。夜歸紫磨方升輪。道逢瓊癭喜似人。浩歌康哉几遽民。咏道旁廢池

蝸負殼行。蟻隨丸轉。塊破黏萍。泥乾觸筧。何日雨風。一洗蝦蟇。浴鷺風標。橫波清淺。

時爲主客曹掾吏

閒居瑣述二首

庭下刳心松。抱塞青不死。雖非梁棟姿。常懷巖澗美。蒼然生氣全。妙理寄一指。物論徒紛紛。公乎虻雀視。誰將煙霧筆。寫入生綃裏。

瀨齋虛且明。不滿一丈強。渾如十斛甍。買卽繫離旁。無水不憂沈。處洞挹天漿。今之隱几者。何竢夢軒黃。有時龍蛇影。風動牆陰竹。午寂市聲遠。朝煙廚火宿。俯仰有餘懽。不須家釀熟。

有懷尊老

閒說帶圍移舊孔。三旬九疊閉柴荆。豈知鱗甲胸中有。更挾風霆筆下生。花亞紫藤燕市飲。葉飛黃柳越鄉情。每懷間巷經過熟。甚欲遮留碣石行。君方應問津書院之聘。

東廨頗有竹樹假山之勝。顧而樂之。

浙東州宅情雖異。幕下參軍語且疊。亦有千竿繁一壑。還如履道里中閒。

寂寂

集唐人句

寂寂竟何託。欣欣物自私。微陽下喬木。宿鳥擇深枝。束縛酬知己。雕鐫出小詩。人煙一鉢少。相近竹參差。

馮侍御西山探梅圖

城市念林壑。不能肖其真。厭喧課寂一消豁。捫腹已拄千嶙峋。看君妙寄用幽意。點綴不待生綃春。羊裘偶著卽長往。醉中自署由東鄰。西山招邀如故人。十松九禿龍無鱗。人閒此境甯易得。芒屨衝雪無纖塵。梅花何處動清興。定中枯衲了不聞。夢游磅礴筆不下。凍泉琴筑鳴溪潄。覺來翠羽聲亦寂。遠香漠漠三家村。前峯荒寒去安極。獨立縹渺遺其身。林迴谷轉無主客。賸有怯月窺金尊。藐姑危立山骨瘦。萬木偃臥蒼苔皴。不知人外籬半掩。坐覺翠微煙已昏。光福崦前白鶴飛。邪廬穿築淨暉暉。年文林一先生勝著朝書之屋。曰校邪廬。

隨丞相車茵後。胡不角巾東路歸。水流念念朱顏改。花發垂垂塵世非。借問百函邊璣趣。批答何似短策攀翻尋釣磯。應勝披圖強搜索。山靈笑客換羅衣。

歲除獨謠

人海只宜容芥子。春城更許醉風光。旋標腳氣新名集。戲署頭銜漫作郎。最喜飯香邀日密。猶嫌杓祝掇庚桑。新煙新火桐溪路。爲問梅花合過牆。

漸西村人初集

詩十三

甲申歲朝試筆

澹澹梅花澹澹風。龍鍾卅九已成翁。城南徧訪金元寺。薄酒消寒試一中。
卻思諸弟我心惻。還揆丙舍松毚毚。九十六鵲煙水好。春人無限憶江南。

尊老將之析津作詩送之

李侯一去觀滄溟。京洛翻令少顏色。我亦疲牛畏鞭箠。雨滑泥深耕少力。越山花開招我隱。園池未築何方息。來水誅茅必已馳。擁齏暫暖計良得。求田不畏元龍訶。長揖且解平津惑。老知蘭陵厭游齊。那恤鄭學慳行北。會須汲澗飲山光。笠屨相待鑑湖側。

贈子培

沈子佳舅季。小園能養親。囊羞樗里智。茅課杜陵貧。宿麥無心紫。崇蘭自在春。看花陌頭去。試訪僧牛人。
寄座主張中丞

孟縣與沈溪。古之英雄人。青天掃氛霧。眇理出腐陳。當其布衣時。笑談虞夏春。及夫挾雲氣。漠漠資衆鱗。郊坰張呂輩。後先疏附倫。精誠未出戶。已作崇朝雲。後來發家儒。黨朽傳枯薪。不悟權實妙。功用乃如神。

中丞抗古懷。與道爲詘伸。罇器非一藝。鉤湛非一津。窮年徑寸膠。持潔萬古渾。拳曲無棄材。始知匠門尊。夙荷夏屋庇。稍令春木芘。政學流久別。將復疏其原。歲行集金穰。納陞依鉤陳。豈惟戶知祝。畏壘耕桑民。礪礪老于事。養氣吐納新。我思諸老先。慙世何殷勤。今懷事大臣。逸軌履前塵。樗散甘谷口。廓清仗賢仁。待築城南莊。考槃武夷鄰。竹影弄碎月。溪光投巨緡。室有媚學徒。階無諧俗賓。波流芟綺靡。術業嚴蓬醇。願聞文字緒。箭筈別開門。

宿東廨書感呈張副都 佩綸

鍼孔藕絲渾未定。強教栖泊瘦吟身。青天蕩蕩喚誰補。碧海蓬蓬行復塵。偶著小冠呼子夏。何如中簡校師春。短蒿差幸喬松倚。得睹淮陽學禮晨。

尋春三絕

何處春生紫陌喧。酒人襟上淺深痕。年來已識園丁面。依舊東風綠映門。絲絲柳眼欲搖春。怯怯花房更斷魂。客子花前今健否。路旁幾度換朱門。朝陽門頭芳草地。瓦南街裏放生園。朱顏綠鬢迷人眼。且醉花前臥竹根。

又題一絕

鈿車如水起清歌。爭奈流雲欲去何。送盡南朝北朝客。何如江上狎漁蓑。

戲簡竹簣侍講

城南花市倚春晴。塵欲生波蹋翠行。晦迹知君習朝隱。雖林海客已知名。

贈樊雲門同年

珠鈴家世出河西。楚國才名孰與齊。白雪樓中難買價。黃金臺上徧留題。無情碧稍還燕草。喚夢聲先斷越雞。且向樽前鬪身健。花茵並臥醉如泥。

閒庭鳥下

醉吟隴種依蠻府。疲隱蕭條強鶡冠。偶見空庭一鳥下。忽思敲枕聽風灘。

頽寺一首贈雲門

頽寺不知名。名乃以君故。門前陽木禿。窗隙風花度。眠亦不知晨。西齋淨初日。物論力蟬噪。至言應畏出。次韻竹簣送陳伯平同年。出守大同二首。

與君裁通幾日雅。忽忽送君千里行。諫疏爭傳姚十事。吏才還似漢三卿。冷風幡赤辭金闕。近寒花黃擁雁城。莫道只量牛馬谷。使君到處看春耕。

不憂朝隱計蹉跎。並世憐公絕唯阿。丹鳳城依暄日永。太夫人就養京師久。樂其風土。遂留居私第。白狼堆望好雲多。鵲磨更事才難盡。遺補收身鬢欲皤。當制行趨嚴召入。莫投蒸水狎煙蓑。

西軒睡起

石罅未出雲。木顛未作花。頽然相枕藉。萍塊黏枯槎。春物一未具。青陽始萌芽。似聞遊禽語。欲倚谷爲家。

曲肱偶聽之。窗光弄橫斜。夢雲無起滅。肝石有槎枒。稍看西岫景。欲變東闌霞。

坡句。肝肺槎牙生竹石。

寄懷從外舅薛先生江上精舍

簿書羈絆厭相仍。北阜南屏憶擔簦。少日青山如夢寐。晚來道氣絕攢乘。雲粘舊蘓鷹攫艸。花發環滁鵲
颺藤。出世法中師證早。求田應許避時憎。思憑服食問輕安。逸棹虛舟泊講壇。入世久知緣自障。尊生漫擬乞餘丹。春巖張飲松梢潤。野衲清齋石
磬殘。記向烏龍潭上立。池光嵐翠雨餘看。

二月十三日自庵公生日雪

南窪何異清湘曲。西岫明於紫蓋峯。摘葉寫書忘去住。推枰觀弈亦從容。筍蕕健不資雙杖。梯几恩方貴
九重。春入酒杯和雪灑。漫天花雨欲相從。

謝方勉夫惠柿霜

春風病齒酒腸妨。酥柿函封枉見嘗。冷饌蓮房玉井雪。題分柑顆洞庭霜。不廉久媿蟲穿李。平蹠還除蟹
漬糖。服餌擬將鍾乳報。纖綾紅袖待添行。

予前致雲門書。有以樊名寺之戲。君將出都。因復贈之。

高言驚四座。未若瘖無聲。珣鑄有涯身。不若游無名。有名信爲累。無名乃全寺。幾見人閒白壁腰。不見寺
頭蒼瓦碎。宜川雖僻縣。父老迎嚶至。山城花發秦人游。村酒竹筍楚客醉。我願化彼千仞無言之石壁。導

君蟠挈鬱律題名字。

閉門

喧寂都無據。閉門差覺尊。未衰從肺病。隨意臥雞根。玩世白漚好。課兒黃犢奔。醅釀開過了。取次棟花繁。

無錫秦公下世

昔者蘭陵惲子居。尊公時枉下交書。謂小坡侍郎先生自慚弱植輸先輩。亦以州民忝後車。雲林寺憶尋山屐。風定軒開講學廬。諸老輟音空後死。栖栖薄宦益愁余。東城精舍有風定軒。高孝靖先生主講時。手署也。秦公後亦主斯席。

以詩問鼎父寺寓海棠花發未將攜酒過之

十年欲以倉爲氏。坐厭尋春三月尾。朱侯筆頭亦屢乾。蕭寺慵寫烏絲闌。入臺聲名將鵲起。抱雛姑與蝸爭安。聊得一翼共諧語。厚田旅愁浩若乘風湍。笑予賃廬不一畝。無錢買花門少柳。支離陌上噉風沙。誰氏林亭供載酒。羨君精舍且消搖。古衲種花居士有。佳花安知與客雙。樹亦含情欣得偶。朱唇翠袖何時出。銀燭離門思一扣。長安奔棊那可論。閒官養拙天所厚。烏噪蜂喧又一時。露初星晚誰探取。三月十三日。朝廷有大處分。刪除流落天涯感。爛漫從追甫白後。定惠院中無一事。小蠻榼待攜紅友。舞衣纈眼幾春風。不嫌唐突花前否。

海棠已謝

浪憑花事繫餘春。無那風狂一損神。已妥殘妝猶照水。更撓飛絮欲成茵。遨頭酒薄不成醉。刺眼綠肥無

數新欲挽東皇衣乞取。又障婆□海西塵。時拂綠尊盟。事將中變。故丁爾。

詩後別題三絕句

壁枯响沫蝸難住。梁圯銜巢燕欲迴。風定亂紅飄砌滿。傷春獨自坐莓苔。
漫云多壘非予恥。祇覺無謀私自憐。未要春人繫鈴護。空令中酒落花前。
嘲厓辱嶺望淒迷。煙外山禽不住啼。惟有池南夜來月。寒規不灑濁黃泥。

望西山

長安塵壒中。時見翠微峯。人向沙邊歇。山於世外逢。

松生爲買書甚多遠致京邸以詩寄謝

先祖手澤古籍儲。以卷計者五萬餘。丹鉛雜下勤勘據。初花萎葉時且梳。府君斥田續藏弃。伯叔誼經環。
一廬雞年之難厄。然如今存千一珍璠璣。墨妙猶新手揭藥。先大父藏書。後析而爲六。辛酉壬戌之難。今惟藥海珠塵。及漢魏聚書數種猶存。大父手署遺迹。幸完好。不肯將挾藏之家祠。比于宗器。猶憶少鈍不知書。但抱長鑱掘芋區。時窺諸父確。且礪山樓燈火青篴簋。今乃不聞長者言。响噓嗟失義方迷厥初。掾曹竊食雀鼠居。飽更憂患慵胥疏。聊資插架或開余。那能道德供獵漁。廠市門攤頻接足。所得非實往悔虛。揀時泚泚方誰肱。安用糟魄瑯蟲魚。徵君藥我忘我樗。起其廢疾投瓊琚。知我貧無十人糴。爲致卷軸充連車。君家縑竹埒石渠。出其一樹饜千夫。我如疲農舍耜耜。嗇愛心氣年光徂。鞭策不能藥。磨諸牙籤錦繡照窮閭。傾身障簾徒區區。負公雅命慚終孤。

聞樊子游豐臺看花

南風漠漠吹沙塵。飛翠鳴鞭照水濱。寄語名花好裝束。看花中有丹邱人。丹邱人將西入秦。手採芙蓉玉女盆。莫使豐臺顏色賤。爲留醉墨粉牆新。

送雲門二首

散仙忽漫投荒縣。惜別臨歧不自勝。縱倚才能賦枯樹。索何人共語寒陵。弦歌聊爲治三徑。卜築行招策一藤。相視中年宜隱去。越溪吳岫看霞蒸。

予與君同丙午生。君楚人。雅愛浙西溪山。欲卜居之。

寂寞詩人元裕之。裕之爲內鄉令。年政二十九。新齋待翦浙江英。彫鏤嶽色張雄句。驅遣河聲入壯辭。高士居之便清職。天游無礙復何疑。千年華表重相見。不減名山冰雪姿。

贈薛叔賴同年觀察浙東

十年范蠡祠前見。世事摧遷不可窮。老我蕭疏空戴鷖。看君談笑得憑熊。異時灑落昌符會。幾度銷沈蠡簡中。便欲東游依幕府。飽看濤勢撼山雄。

寄張學士閩中

雲浮冠蓋長安陌。不抹東維地將坼。漢朝羣公發蒙耳。萬乘翻爲四裔役。殿前儒生無幾人。知君心如秋月白。早陳閔議制陸梁。蟻漏金隄良易塞。數行書遂武溪蕪。一點烽沈南詔驛。張喬祝良不可得。數貢徵圖斷重譯。禁中動顏咨廟略。內官傳詔問奇策。方將毀版出縱橫。坐見指麾收履屐。一朝直言不安席。去

作無諸臺前釣龍客。空持使節謫樓船。不遣兵符摧大敵。上岸剽犀犀欲脯。入水斫鯨鯨未腊。自披忠信格天閭。那恤波濤濺儒幘。侯生老尙抱夷門。從事中郎懷舊恩。未向并州干越石。卻思朱亥驂行軒。文祺謂陳

行。腥風瘴霧有時豁。橫吹錢歌迎吏言。行召弱翁爲內相。歸旗清雨洗清樽。

哭表兄王芹父

危根鬻京國。浩蕩難倚賴。親知久去眼。伏臘尠懽會。況失同門友。秋蟬嗟忽蛻。夢想一茅茨。飛泉鳴石澗。方謀就蠶耕。乃遽決疣癩。超然脫世羅。噫氣付地籟。祇攪存者悲。淒其望煙竊。君母我之姑。我姪又君婦。先公館晦村。從游君最久。長我二十餘。游釣辱我友。秧黃溪上田。簞碧壘頭酒。暝吟山寺鐘。霜翦坊郭韭。笑言我父兄。攜登白茅阜。詩成譏朔瘦。藁半嘲墨守。自從喪亂來。此樂甯復有。田園蕪不治。皮骨浪驅走。痛思少日懽。卜鄰期白首。吾兄昨書來。朱陳重議媾。我喜輕欲旋。先公雅所厚。焉知旬月災。姪未拜威舅。門戶復誰持。甥能成立否。

燈誦桃源記。雨幕歸來詞。笑謂晦村幽。潭洞頗似之。祖七歲隨侍先公。讀書晦村。仿作歸去來詞一首。自是始學爲文。冉冉竹綠厓。瓊瓊花覆溪。平田釣蛙隄。憶我七歲時。君懷濟遺世。略近劉驎之一冠。十年易一鉢。三句飢。君雖不作詩。頗游陶藩籬。惟我艱文句。何苦槎牙搭。丁丑訪君家。信宿池南簷。顧謂欲手寫。摘我詩癡疵。此語竟未踐。予衰句無奇。君應達觀生。偶拈自輓詩。予無與爲質。飄泊將安之。

何處迎秋早

何處迎秋早。東皋處士家。紅蓮十頃稻。紅藕一川花。得意螭銜果。忘機鷺倚槎。摺筇煙外立。未醉面生霞。何處迎秋早。陽巖結茝屋。昨來丹邱客。暝就西齋宿。竹下酒盈樽。檐前雲度谷。朝辭采藥去。坐我虛窗獨。

東解三絕

堂深樹老吏人稀。夜靜時聞蝙蝠飛。隔屋疏燈坐看壁。還如漁火向江微。庭莎汎錄一叢叢。昨遇園丁薙徑空。我自無心倦游客。衰榮總付碧翁翁。蜀葵幾日落還開。紅紫紛紛鬪頸顙。何似庭楸百年物。腹空生菌臥蒼苔。

寄尊老

百年詞章有盟主。前宣城梅謂梅柏順郎中曾亮後越李。翦菴甯知雨與風。彈琴自識成兼毀。歌舞高臺日易昏。騎驢更欲適誰門。下簾箋易紅塵裏。誰識神仙梅子真。

答尊老見贈詩。有一臺二妙之句。

敢云二妙湛冥共。浮世銼柄亦可憐。一髮青山鑑湖榜。千村紅葉富春篴。解龜賀老名俱逸。投嶼方干句浪傳。倘許聯翩招隱去。不辭相逐水雲天。

感秋一章。呈子培秋曹。鼎父侍御。

豐縛向標靈。羣脰苦未識。一朝秋氣盛。始恍涼風逼。林衣竄微黃。當時好顏色。欲求曙戒方。先外通與塞。高邱厲宵征。夷塗詎遑息。息則生戀心。喪汝邱陵德。我亦蒲柳姿。畏被浮榮飾。自得二友賢。微言消我慝。

正賴兩石閒。繫持孤松直。堅車匪覓求。峻阪何由陟。願垂冰蘖言。弱材庶剛克。

秋日思鼎父

抗筵輸君直。淪冥自不疑。一奇空拄腹。四序畏奔馳。兵氣連蒼海。天全問紫芝。感時餘涕淚。削迹敢忘危。

窮巷

負米小園何可得。著書窮巷索清娛。羈孤忽已生白髮。留滯相看非壯圖。東溟鯨牙聳未拔。北山松鬣青不枯。歸田乘障兩無著。空抱大樽浮汙湖。

龍泉寺薜荔牆

蕭蕭策策穿斜日。獵獵鱗鱗弄晚風。卻似秋江楓葉赤。迎霜一半闢玲瓏。

游土山口號

誰謂土山小。超搖似冶城。偶來穿磴上。旋覺振衣輕。古木紺垂髮。秋花珠纒纒。後期誰語此。放目有高明。

送岡鹿門處士歸日本

昔聞海上如瓜棗。今見神山餐玉人。黃菊味原如紫柏。清秋調欲變陽春。著書瓊島成真逸。執戟金門寄病身。倘許東游訪耆舊。欲將槎客斗牛津。

李將軍餉予佳柿及梨云自盤山攜來

李髯饒奇策。探十每得九。晚乃出其餘。種果濟郭叟。生物盜大機。長鑱剷林藪。青紫連南嶠。紅皺堆北阜。

昨從盤中來。貽我實如斗。忽驚蟻虬拖。輝輝日穿牖。張梨脆無比。持以佐卯酒。霜皮嵐氣酣。露葉筠筐覆。爛登居士盤。遠見公意厚。餘甘陪臺榭。靈液重稚剖。辛勤得一飽。穰熟天所右。想見山中人。含津養色壽。坐享千戶封。何勞萬鍾受。吾亦篤好此。行規橘官守。劣書慚來禽。姑用報瓊玖。

重送岡君二絕

萬里煙濤接窈冥。蜻蜓洲樹遲歸舲。誰知野史亭新築。逸事流傳仗客星。君所著書。皆述東國近五十年中之事。自勝其居。曰神私史亭。來時徧游翠微。潭柘諸山。故云爾。

示兒詩

敬可藥百病。靜祛諸妄心。欲求千古業。須惜一分陰。浩氣生不滅。危關人與禽。首基崇小學。吾祖有藏金。

題徐亞陶環翠軒賞菊圖

同曹鶯食遂餘梁。卻愛東癡作散郎。醉裏不嫌官長罵。歸來採菊作餽糧。玉川屋破只三間。那有層軒積翠環。不放一塵侵竹几。自假花影寫青山。

酬洪給諫

黃岡竹日淨暉暉。老戀君恩未乞歸。石介方欣奸脫距。賈生又痛國生疵。三杯白墮澆公直。一卷丹經療我飢。無術膾鯨思遠去。卻愁蒼海堞塵飛。

楊心貺銜使江西作詩送之。

君才劉穆千兩捷。我比宏農嘯更慵。自適抱關甘澹落。欣看乘傳去雍容。漁陽麥潤隨車雪。廬岫幢迎挂瀑松。上冢過家應乞取。延津相待有雙龍。

曉坐東窗下漫題數語

研池烘日冰旋融。菊影凌寒翠猶彈。車行素壁疑撼搖。客寄黃甘重包裹。寒禽將子鳴且過。病葉黏枝乾復墮。微陽井底未昭蘇。俗物眼前猶細瑣。楊風何藝自娛嬰。謝朓此中惟酒可。但飢來飮困來眠。數隙中塵石中火。家人關白不得前。知我不齋成嬾惰。

嶧縣王君六十壽詩代

尋碑矧好繹山奇。儒雅應存魯叟遺。誰識神光射牛背。劇憐君子古須眉。籍甚聲華貢帝鄉。佳兒獻賦集賢堂。過庭迴憶籌燈課。却上今看蠟鳳皇。扞賊功成使拂衣。魯連玉貌有前徽。先生不顧千金壽。日養黃庭杜德機。衛河南去村村樂。不羨長安華轂丹。飯熟雕孤魚饌玉。兒孫簇簇捧春盤。儒使真風俗久微。彥方剛正絕脂韋。神仙隊裏無鄉愿。石髓從茲老不飢。

憶山居吟

戴公山下雲滿川。嚴子臺邊竹引泉。瀧風西來忽吹散。凍泉琴筑常濺濺。紅亭白塔不可到。令我長望心悠然。澄江抱郭綠沙淀。羣嵐壓閣騁飛仙。春風躑躅被繡嶺。夕陽鷓鴣浮畫船。家家簫鼓樂豐年。秣收釀

酒不論錢。香杭炊玉飯紅蓮。魚肥作鮮。雀披綿。竹萌虎爪大如拳。冬生者名虎爪夢到臘尾江南天。弟酬兄唱。自可樂。絕勝豪家供擊鮮。洲上唐梅老更妍。九里洲。去縣郭兩牛鳴地。環洲人家。皆以植梅爲業。方干詩。洲上春深萬株香。雪海淪漣。縞衣仙子豈無匹。虬枝玉骨皆姻連。山中何人養。辛勤金庭石室餐霞使。結茅采藥東峯巔。時見縹渺浮炊煙。長松驚濤聒醉眠。我欲從之長周旋。

瓊瓊

五尺羞稱微管勳。僭王猶欲陋河汾。憂憂忽已頭顱白。瓊瓊翻資篆刻勤。生不世諧聊卜隱。業無高論且娛文。掉頭東海持竿叟。何日相從寂寞濱。

水仙

水仙雖微葩。定州薜蘿培碧沙。微瀾小礫護生氣。晴窗一放黃玉花。君看鐵樹小。枝老葉硬形極杈。碎磁金屑布其足。寸碧乃苗千萌芽。微物尙有待養智。何況靈臺方寸地。穠生一概良至言。淵潤岸枯皆自致。寄松岑

前年塞上故人札。袖裏猶存字未漫。謫去晚知文利病。技成甯恤道艱難。雪留嵩少歐追尹。竹掩城南孟改韓。役役難尋古人樂。雞蟲坐厭困長安。

東臬子

鳳不憎山栖。龍甯恥泥蟠。能處藎若淨。至人養天全。何必治榮名。爭校輕與軒。濁世已矣夫。吾師東臬賢。

十二月十三夜月

綠淨青天一張紙。夜寒院落清如水。冰輪湧出挂林梢。翼重霜多鴉不起。樹陰卻走虬龍形。袖手慵攀上界星。軒轅道人在何許。石鼎雷鳴喚不醒。須臾斗轉東北移。清光隨人入荆扉。高歌殷床四壁靜。平生酒徒還復稀。

寄鄧鴻臚

中年衰鬢已如霜。許國憂時願莫償。芒屨似聞曾卜式。積薪差幸譴淮陽。途初有賦身雖逸。填海無功恨未忘。一髮羅浮青杏露。訪公待煮石爲糧。

敘

壽昌偏著攷訂。少而學詩。託體不尊。老尤淺率。自喜以其便於嫺漫也。今觀尊集。虛處得事外致。而無枝游曼衍之談。實處含元氣。入無間。而無晦澀艱深之病。壬申以前之作。遺詞闕麗。而趣猶暴入。丁丑戊寅後詩。則脫去樸槪之迹。動與古會。漸入簡淡。而指殊深矣。此功候年力之異。不可強爲也。世士強爲之。故僞體百出矣。宋郭若虛論畫。有曰。意在筆先。筆周意內。又曰。內自足。然後神閒意定。神閒意定。則思不竭。而筆不困也。是說也。可以喻作者之詩。然此中消息。存乎繕性養氣。漸至出其餘事。充實不可以已。詩又惡足以盡之哉。癸未三月既望。老友七十退叟長沙周壽昌識。

題詞

木雁何曾出處縣。東西飛背亦相憐。桐溪夜雪千梅樹。臨曲秋風一葉船。君直掾曹猶歎詠。我憑村學送華顛。一臺二妙誰相問。同是醯雞甕裏天。會稽李慈銘。

談笑與人殊白科。此中空洞腹真饕。何妨游戲隨方朔。終欲煙波狎志和。借一軍持澆白業。無雙荷葉侍青珂。長安名刺生毛慣。不受黃塵陸海磨。秀水趙銘。

莊生^中白恒化戴君^{高子}天之子。能鳴青玉絃。輦下棲遲淹歲月。漸西歌嘯攝雲煙。爭禁遼鶴千年感。君^{辛酉王}戊以後。

^{避地客游。里居之日甚少。}解說天龍一指禪。譚子^{伯足}天南望寥廓。兼懷仲修作。爰居未肯啄腥羶。金壇馮煦。

高三十五今宿草。^{直牧}往時屢道爰絲奇。薜蘿學人適我願。跌蕩詩史非君誰。搶榆奚恤鵲鳩笑。栖棘仍

憐鸞鳳姿。正賴方言編異域。漫將海叢斥安期。長洲士頌蔚。

此士不今有曠世一遇之。炎天抱冰雪。苦志娛文辭。手作天馬馳。心窮溟漲窺。不知人世短。長意攀皇羲。

城南數間屋。日日哦清詩。詩或能窮人。人窮詩愈奇。陶陶卒歲樂。戚戚童年悲。悲樂兩無朕。聲文起相持。

割然天弢解。至樂乃在茲。我病拙細書。薑芽未能臍。但爲鼠飲河。滿腹忘其饑。蒙闇不工言。乃知言者非。

商清雜徵變。喻角疑非宜。^{譚君仲修。評大集。有云。談執者以李西涯詩爲宮聲。此於五音當屬角云云。}讀君千瓊琬。引我無涯知。移情成連操。榜

舟海之涓。樸社有痼木。扶疏三十年。不知用何直。且自希天全。喟然見君子。喪我平生焉。夙素蘊元鑒。神

瑩萬靈先。冥觀洞性韻。伐材鏐瑕堅。聽音且知絃。得魚不離荃。豈無萬金藥。醫此脰肩肩。斲木貢匠門。將車奚仲前。不辭擁腫醜。所冀高庫便。矢詩作先容。叩關君勿鍵。嘉興沈曾植。
江沂三天子。臺留一客星。山川自奇秀。人物此英靈。麟死傷諸夏。蟲生腐六經。幹旋終有待。未可慕冥冥。
龍易易順鼎。

敘

伊昔班孟堅志藝文序道家曰。秉要執本。清虛以自守。而序詩賦。則曰。感物造端。研知深美。可與圖事。若是乎不相謀也。而賢人君子。繕性達情。素所蓄積。波瀾莫二。吾友重黎以之。重黎負奇秉少。丁喪亂。失其楹書。廬存屏守。則已讀而舉要矣。故相見淵湛。而蓄敏銳之氣。同好傾倒。老成嘆異。君益折節。博涉羣言。而折中於體用。冠而壯也。游於四方。秣陵江都。帥友收益。所學大就。公車往來。山海納於衿袂。通知時事。鬱律未試。而發於詩歌。文筆矜重。其言淵乎不易。測識也。浮湛閑掾。久次戶牕。復佐主客。尚書典四洲志。將入南牀。冠惠文矣。旋出爲外吏。曲折中外之數。宏覽消息之篇。匡論者迹。而持幹以虛。虛且徵之。徵之亦於其詩。淵乎其益深矣。獻與君別十六年。乃得盡讀其詩。固推大於夙昔之所見。少壯之所造。然而秉要執本。清虛以自守。味乎其言。若游乎其道。感物造端。材知深美。可與圖事。則文如其人。則人如其文。波瀾莫二。殆非一人之私言也歟。老友李純客侍御有道者也。嘗舉君詩。與恩施樊雲門竝稱。樊詩跌宕。華於材者。幹於道。袁詩懿美。默存者道。而卷舒者才。獻去年信宿君蕪湖。權巡官舍。縱橫談藝。撰序未成。今者序雲門詩。意所感觸。乃爲漸西村人詩序。以告後之志藝文者。光緒甲午仲冬長至日。仁和譚廷獻。

叢書集成初編

漸西邨人初集 附錄 三冊

中華書局出版發行

(北京王府井大街三十六號)

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一
統一書號：一七〇一八·一五一

